



口仁12  
2797  
55-52





門仁  
2797  
55-52



春秋四傳卷之二十九

昭公

公名稠。襄公妾齊歸之子。夫人孟子。二十歲即位。在位二十五年。孫齊在外七年。凡三十二年。薨于乾侯。謚法威儀恭明曰昭。

周

魯昭公二十二年。景王崩。主猛立。是年卒。王室亂。弟敬王立。昭二十三年。尹氏立。王子朝。昭二十六年。敬王入于成周。王子朝出奔楚。

鄭

魯昭公二十二年。簡公卒。子定公寧立。昭二十八年。定公卒。獻公董立。

齊

詳見襄公二十一年。

宋

魯昭公十年。平公卒。子元公佐立。昭二十五年。元公卒。子景公頭曼立。

晉

晉趙武為政。魯昭公元年。冬。趙武卒。韓起為政。魯昭公十年。平公卒。子昭公夷立。



昭公十六年。晉昭公卒。子頃公去疾立。昭  
二十八年。魏舒為政。昭三十年。頃公卒。子  
定公立。

**衛** 魯昭公七年。襄公  
卒。子靈公元立。

**蔡** 魯昭公十一年。楚殺蔡靈公。滅蔡。昭十三  
年。楚平王封蔡侯廬。立。是為平公。昭二  
十年。平公卒。太子朱立。昭二十一年。朱奔  
楚。平公弟悼公東國立。昭二十三年。悼公  
卒。弟昭公申立。

**曹** 魯昭公十四年。武公卒。子平公須立。昭十  
八年。平公卒。子悼公午立。昭二十七年。悼  
公卒。弟聲公野立。昭三十二年。平  
公弟通弒聲公。代立。是為隱公。

**滕** 魯昭公三年。成公卒。悼公寧立。  
昭二十八年。悼公卒。頃公結立。

**陳** 魯昭公八年。哀公卒。楚滅陳。昭十三  
年。楚平王封陳侯吳。立。是為惠公。

**杞** 魯昭公六年。文公卒。弟平公郁釐立。  
昭二十四年。平公卒。子悼公成立。

**薛** 魯昭公三十一年。見薛獻公穀卒。  
入春秋來。薛始書名。子襄公定立。

**莒** 魯昭公元年。齊納莒公子去疾。是為著丘  
公。展輿奔吳。昭十四年。著丘公卒。子郊公  
立。是年奔齊。著丘之弟庚輿立。是為共  
公。昭二十三年。庚輿來奔齊。納郊公。

**邾** 魯昭公元年。悼  
公卒。莊公穿立。

**許** 魯昭公九年。遷于夷。昭十八年。遷  
于白羽。昭十九年。悼公弒。斯立。

**小邾** 魯昭公十七年。  
小邾穆公來朝。

**楚** 魯昭公元年。楚圍弒邾敖而自立。改名虔。  
是為靈王。楚薳罷為令尹。昭十三年。靈王



弒平王居立。即棄疾。使子旗為令尹。昭十年。殺成然。子瑕為令尹。昭二十三年。子常為令尹。昭二十六年。平王卒。子昭王軫立。

**秦** 魯昭公五年。景公卒。子哀公立。

**吳** 魯昭公十五年。夷昧卒。子王僚立。昭二十七年。僚弒。闔廬立。一名光。諸樊子。

**越** 魯昭公五年。越會楚。伐吳。始見經。即書人。

**庚** 景王元年。晉平十七年。齊景七年。衛襄三十四年。蔡靈二年。鄭簡二十五年。曹武十四年。陳哀二十八年。杞文九年。宋平三十五年。秦景三十六年。楚郊敖四年。卒。吳夷未三

年。春王正月。公即位。穀梁傳繼正即位正也。叔孫豹會晉

趙武楚公子圍齊國弱宋向戌衛齊惡陳公子招蔡公孫歸生鄭罕虎許人曹人于虢國

○林氏曰。魏鄭地。尋朱之盟。讀舊書。加姓上。

趙武楚公子圍齊國弱宋向戌衛齊惡陳公子招蔡公孫歸生鄭罕虎許人曹人于虢國  
公作國酌齊惡公作石惡罕虎公作軒虎虢  
公作郭穀作郭因傳春楚公子圍聘于鄭且  
娶於公孫段氏伍舉為介將入館鄭人惡之  
使行人子羽與之言乃館外既聘將以眾  
逆子產患之使子羽辭曰以敝邑編小不足  
以容從者請墮聽命令尹命大宰伯州犁對  
曰君辱貶寡大夫圍謂圍將使豐氏撫有而  
室圍布几筵告於莊共之廟而來若野賜之  
是委君貶於草莽也是寡大夫不得列於諸  
卿也不寧唯是又使圍蒙其先君將不得為  
寡君老其蔑以復矣唯大夫圖之子羽曰小  
國無罪恃實其罪將恃大國之安靖已而無  
乃包藏禍心以圖之不國失恃而懲諸侯使  
莫不憾者距違君命而有所壅塞不行是懼



○秦子衣也請逆婦之衣進可衣而入以不爲

○舉大推拘詩

不然敵邑館人之屬也其敢愛豐氏之桃伍  
舉知其有備也請垂藥而入許之正月乙未  
入逆而出遂會于號尋宋之盟也祁午謂趙  
文子曰宋之盟楚人得志於晉今令尹之不  
信諸侯之所聞也子弗戒懼又如宋子木之  
信稱於諸侯猶詐晉而懼焉况不信之極者  
乎楚重得志於晉晉之耻也子相晉國以爲  
盟主於今七年矣再合諸侯三合大夫服齊  
狄寧東夏平秦亂城淳于師徒不蠅國家不  
罷民無謗議諸侯無怨天無大災子之力也  
有令名矣而終之以耻午也是懼吾子其不  
可以不以戒文子曰武受賜矣然宋之盟子木  
有禍入之心武有仁人之心是楚所以駕於  
晉也今武猶是心也楚又行僭非所害也武  
將信以爲本循而行之譬如農夫是穰且楚  
雖有饑饉必有豐年且吾聞之能信不爲人  
下吾未能也詩曰不僭不賊鮮不爲則信也  
能爲人則者不爲人下矣吾不能是難楚不

○楚恐晉先款故欲以舊書加于牲上而不款血經所以不書

○舉周書太誓

爲患楚令尹圍請用牲讀舊書加于牲上而  
晉人許之三月甲辰盟楚公子圍設服離  
衛叔孫穆子曰楚公子美矣君哉鄭子皮曰  
執戈者前矣蔡子家曰薄宮有前不亦可  
乎楚伯州犁曰此行也辭而假之寡君鄭行  
人揮曰假不友矣伯州犁曰子姑憂子哲之  
欲背誕也子羽曰當璧猶在假而不友子其  
無憂乎齊國子曰吾代子選矣陳公子招  
曰不憂何哉二子樂矣衛齊子曰苟或知之  
雖憂何害宋合左師曰大國令小國共吾知  
兵而已晉樂王緡曰小曼之卒章善矣吾從  
之退會子羽謂子皮曰叔孫絞而婉宋左師  
簡而禮樂主緡字而敬子與子家持之皆保  
世之主也齊衛陳大夫其不免乎國子代人  
憂子招樂憂齊子雖憂弗害夫弗及而憂與  
可憂而樂與憂而弗害皆取憂之道也憂必  
及之六誓曰民之所欲天必從之三大夫兆  
憂憂能無至乎詩以知物其是之謂矣公羊

春秋左傳卷二十一



○集解云齊僖公之弟年鄭厲公之弟語衛定公之弟黑背陳哀侯之弟黃衛靈公之兄繫秦景公之弟周宋景公之弟辰周景王之弟倭天此類皆以其事而特書其弟者也

○穀梁文

○宋之盟在襄公二十七年

○林氏曰於是季孫宿伐莒取郟則書法何以異於宣十年歸父伐邾歸父伐邾猶公命也此專取邑而

傳此陳侯之弟招也何以不稱弟賤曷為賤為殺世子偃師賤曰陳侯之弟招殺陳世子偃師大夫相殺稱人此其稱名氏以殺何言將自是弑君也今將爾詞曷為與親弑者同君親無將將而必誅焉然則曷為不於其弑焉賤以親者弑然後其罪惡甚春秋不待賤絕而罪惡見者不賤絕以見罪惡也賤絕然後罪惡見者賤絕以見罪惡也今招之罪已重矣曷為復賤乎此若招之有罪也何著乎招之有罪言楚之託乎討招以滅陳也

**胡傳**

此陳侯之弟招也何以不稱弟諸侯本當稱者也曰弟者因事而特稱之也所以然者諸侯非始封之君則臣諸父昆弟族人不得以屬戚君也會于統尋宋之盟而經何以不書在宋之盟楚人先歆若曰狎主諸侯則懼晉之先也故圍請讀舊書加于姓上而晉人許之觀其事雖若楚重

得志晉少懦矣然春秋不貴脩盟晉人以信為本故每書必先趙武三月取郟郟公作運左傳季武子伐莒取郟退而魯伐莒齊盟請戮其使樂桓子相趙文子欲求貨於叔孫而為之請使請帶焉弗與梁其蹙曰貨以藩身子何愛焉叔孫曰諸侯之會衛社稷也我以貨免魯必受師是禍之也何衛之為人而有牆以蔽惡也牆之際壞誰之咎也衛而惡之吾又甚焉雖怨季孫魯國何罪叔出季處有自來矣吾又誰怨然也賄弗與不已召使者裂裳帛而與之曰帶其襜矣趙孟聞之曰臨患不忘國忠也思難不越官信也圖國忘死貞也謀主三者義也其有是四者又可戮乎乃請諸楚曰魯雖有罪其執事不辟難畏威而敬命矣子若免之以勸左右可也若子之群吏處不群汚出不逃難其何患之有患之所坐汚而不治難而



○昔三王五伯有令德之時

○雖暴過也吳在東濮在南言若吳濮有過於楚

不守所由來也。能是一者又何患焉。不靖其能其誰從之。魯以孫豹可謂能矣。請免之。以靖能者。子會而赦有罪。又賞其賢。諸侯誰不欣焉。望楚而歸之。視遠如邇。疆場之邑。一彼一此。何常之有。主伯之令也。張其封疆而樹之。官舉之。表旗而著之。制令過則有刑。猶不可。豈於是乎。虞有三苗。夏有觀扈。商有桀。亦周有徐奄。皆無令主。諸侯逐進。狎主齊盟。其又可。豈乎。恤大舍小。足以為盟主。又焉用之。封疆之削。何國蔑有。主齊盟者。誰能辨焉。吳與。知諸侯無煩。不亦可乎。昔魯爭。鄆為日。久矣。苟無大害於其社稷。可無元也。去煩宥善。莫不競勸。子其圖之。固請諸楚。楚人許之。免叔孫。令尹享。趙孟賦。大明之首。章趙孟賦。小宛之一章。事畢。趙孟謂叔向曰。令尹自以為王矣。何如。對曰。王弱。令尹疆其可哉。雖可不終。趙孟曰。何故。對曰。疆以克弱而安之。疆

○舉小雅正月詩赫赫強盛貌

不義也。不義而疆其弊必速。詩曰赫赫宗周。褒姒滅之。疆不義也。令尹為王。必求諸侯。晉少懦矣。諸侯將往。若獲諸侯。其懼滋甚。民弗堪也。將何以終。夫以疆取。必以為道。道以淫虐。弗可久矣。公羊傳。運者何。內之邑也。其言取之。何不聽也。

○趙孟文子

**胡傳**

按左氏。季孫宿伐莒。取鄆。莒人訴於齊。盟請戮其使。有欲求貨於叔孫豹。而為之請者。豹弗與。曰。諸侯之會。衛社稷也。我以貨免。魯必受師。是禍之也。何衛之為。雖季孫。魯國何罪。趙孟聞之。請於楚。曰。魯雖有罪。其執事不避難。子若免之。以觀左右。可也。莒魯爭鄆。為日久矣。苟無大害於其社稷。可無元也。乃免叔孫。其不曰伐莒。取鄆者。乘莒亂而取邑也。故不悉書為內諱也。

○去年冬莒黎比公弑而莒亂



○小雅賦業詩義取  
古人不以微薄廢禮  
雖飢寒克首猶與賔  
客享之

○周景王使劉夏勞  
趙孟於潁水

○劉子即劉定公名  
夏

○民為神生不恤民  
故神人皆去

○譬如商賈求贏利  
者不得意喧囂之聲

○徐吾犯鄭大夫其  
妹有美色

附錄

左傳夏四月趙孟叔孫豹曹大夫入  
于鄭鄭伯蒯亭之  
子皮戒趙孟禮終  
趙孟賦瓠葉子皮遂戒穆叔曰  
曰趙孟欲一獻子其從之  
子皮曰敢乎穆  
叔曰夫人之所欲也又何不敢  
及享具五  
獻之遵豆於幕下趙孟辭私於  
子產曰武  
請於冢宰矣乃用一獻趙孟為  
客禮終乃  
宴穆叔賦鵲巢趙孟曰武不  
堪也又賦采  
芣曰小國為繁太國省穡而用  
之其何實  
非命子皮賦野有死麕之卒章  
趙孟賦常  
棣且曰吾兄弟比以安危也  
可使無貳  
穆叔子皮及曹大夫與拜舉兒  
爵曰小國賴  
子知免於戾矣飲酒樂趙孟出  
曰吾不復  
此矣○天王使劉定公勞趙孟  
於潁館於  
維汭劉子曰美哉禹功明德遠  
矣微禹吾  
其魚乎吾與子弁冕端委以治  
民臨諸侯  
禹之力也子盍亦遠績禹功而  
大庇民乎  
對曰老夫罪戾是懼焉能恤遠  
吾儕偷食

朝不謀及何其長也劉子歸以語王曰諺  
所謂老將知而耄及之者其趙孟之謂乎  
為晉正卿以主諸侯而儕於隸人朝不謀  
及棄神人矣神怒民叛何以能久趙孟不  
復祭矣神怒不故其祀民叛不即其事祀  
事不從又何以及年○叔孫歸會夫御季孫  
以勞之且及日中不出會夫謂會阜曰且  
及日中吾咎罪矣魯以相忍為國也忍其  
外不忍其內焉用之阜曰數月於外一且  
於是庸何傷而欲羸而惡器乎阜謂叔  
孫曰可以出矣叔孫指楹曰雖惡是其可  
去乎乃出見之○鄭徐吾犯之妹美公孫  
楚聘之矣公孫黑又使疆委禽焉犯懼告  
子產子產曰是國無政非子之患也唯所  
欲與犯請於二子請使女擇焉皆許之子  
督盛飾入而幣而出子南戎服入左右射  
超乘而出女自房觀之曰子督信美矣抑  
子南夫也夫夫婦婦所謂順也適子南氏



○游楚即公孫楚子南也放者有之以遠也  
○蔡蔡叔上蔡字放也昔周公攝政二叔流言周公乃辟管叔于商囚蔡叔于郭鄰管叔兄也蔡叔弟也周公豈不愛兄弟之懿親愛王室之心重於愛兄弟之心故也

子哲怒既而棄甲以見子南欲殺之而取其妻于南知之執戈逐之及衝擊之以戈子哲傷而歸告大夫曰我好見之不知其有異志也故傷大夫皆謀之子產曰直鉞幼賤有罪罪在楚也乃執子南而數之曰國之大節有五女皆好之畏君之威聽其政尊其貴事其長養其親五者所以為國也今君在國女用兵焉不畏威也好國之絕不聽政也子哲上大夫女嬖入夫而弗下之不尊貴也幼而不怠不事長也兵其從克不養親也君曰余不女忍殺有女以遠勉速行乎無重而罪五月庚辰鄭放游楚於吳將行子南子產咨於大夫大夫曰吉不能克身焉能亢宗彼國政也非私難也子圖鄭國利則行之又何疑焉周公殺管叔而蔡蔡叔夫豈不愛王室故也吉若獲戾子將行之何有於諸游

○林氏曰林景罪秦伯

○造舟為梁通秦晉之路李巡注爾雅云此其形而度也郭云借舟為橋

### 夏秦伯之弟鍼出奔晉

鍼其廉及左傳秦后於景其毋曰弗去懼選秦卯鍼適晉其車千乘書曰秦伯之弟鍼出奔晉罪秦伯也后子享晉侯造舟于河十里舍車自淮及絳歸取酬幣終事八反可馬侯問焉曰子之車盡於此而已乎對曰此之謂多矣若能少此吾何以得見女叔齊以告公且曰秦公子必歸臣聞君子能知其過必有令圖今圖天所贊也后子見趙孟趙孟曰吾子其曷歸對曰鍼懼選於寡君是以在此將待嗣君趙孟曰秦君何如對曰無道趙孟曰亡乎對曰何為一世無道國未艾也國於天地有與立焉不數世淫弗能難也趙孟曰天平對曰有焉趙孟曰其幾何對曰鍼聞之國無道而年穀和熟天贊之也鮮不五稔趙孟視蔭曰朝夕不相及誰能待五后子出而告人曰趙孟將死矣主民翦歲而懼曰其與幾何公羊傳秦無大夫



○秦后子即鍼也桓  
秦桓公景秦景公也  
景公桓公之子鍼景  
公母弟也桓公寵愛  
鍼故如兩君於景公  
之世

○杜氏曰選教也恐  
景公教其罪而加戮  
也

○不差以禮不以禮  
為之差等也

○叔齊司馬佚也  
○禮記內則曰子生  
二妾父母愛一人

子愛一人耳由衣服  
飲食由執事毋敢視  
父母所愛雖父母及不  
衰引之者所以証妾尚  
然况兄弟乎

○中庸云子曰父母其  
順矣乎

此何以書仕諸晉也曷為仕諸晉有千乘之  
國而不能容其母弟故君子謂之出奔也穀  
梁傳諸侯之尊兄弟不得以屬通  
其弟云者親之也親而奔之惡也

**胡傳**

按左氏秦后子有寵於桓如二君於  
景其母曰弗去懼選鍼遂出奔書此  
見人君寵愛其子不差以禮是禍之也鍼  
之適晉其車千乘司馬侯問焉曰子之車  
盡於此乎對曰此謂多矣若能少此吾何  
以得見叔齊曰秦公子必歸能知其過必  
有令圖令圖天所贊也後五年秦伯卒  
子歸書曰弟者罪秦伯也夫后子出奔其  
父禍之而罪秦伯何也春秋以均愛望人  
父以能友責人父母有愛妾猶沒身敬  
之不衰况兄弟乎兄弟有愛妾而後父母順  
矣故不曰公子而特稱秦伯之弟云

**附錄**

左傳鄭為游楚亂故六月丁巳鄭伯  
及其大夫盟于公孫段氏罕虎公孫

○傅公卒莊公穿立

○晉自悼公以來狄  
師不出敗狄至是而

晉見何晉亦表也悼  
公之伯也魏絳諫曰

秦師於我而楚伐陳  
必弗能救是棄陳也

諸華必叛我禽獸也  
獲我失華無乃不可

乎悼公卒復有事於  
戎狄至我鮮虞春秋

遂狄晉矣

六月丁巳邾子華卒○晉荀吳帥師敗狄于

**大鹵**

鹵音魯大鹵公穀作大原左傳晉中行  
穆子敗無終及群狄于大原也將  
戰魏舒曰彼徒我車所遇又厄以并共車必  
克困諸阨又克請皆卒自我始乃毀車以為  
行五乘為三伍荀吳之嬖人不止肯即卒斬以  
御為五陳以相離兩於前伍於後專為右角  
參為左角偏為前拒以誘之翟人笑之未陳  
而薄之大敗之公羊傳此大鹵也曷為謂之  
大原地物從中國邑人名從主人原者何上  
平曰原下平曰陂穀梁傳傳曰中國曰大原  
夷狄曰大鹵號從中國名從主人

僑公孫段印段游吉駟帶私盟于闡門之  
外實薰隧公孫黑強與於盟使大史書其  
名且曰七子  
子產弗討



○公穀作敗狄于太原此用左氏

○六月詩小雅篇名

○太原在禹貢冀州

○如魏之武士秦之

○如魏之武士秦之

○突不稱國見桓公

○糾不書子見莊公

○糾不書子見莊公

○林氏曰前言齊無知弒其君後言齊小自入于齊前言莒人弒其君後言莒去疾入于莒則不與弒之辭也前言衛侯入于夷儀後言衛甯喜弒其君前言齊陽生入于齊後言齊陳乞弒其君與弒之辭也辭有先後罪有大小故曰屬辭比事春秋教也

**胡傳**

大函太原也按六月宣王北伐之詩其詞曰薄伐玁狁至于太原而詩人美之者謂不窮追遠討及封境而止也然則太原在禹服之內而狄人來侵攘斥宜矣其過在毀車崇卒以詐誘狄人而敗之非王者之師耳使後世車戰法亡崇尚步卒爭以變詐相高日趨苟簡皆此等啓之矣書敗狄幾之也

秋莒去疾自齊入于莒

去起呂反左傳莒展與立而奪群公子秩

公子召去疾于齊秋齊公子鉏納去疾

**胡傳**

天下國家定于二焉楚僭號經不書稱國以小白繫之齊則糾不書子國無二君也展與乃莒子而去疾曷為又以國氏平程子曰去疾假齊之力以入莒討展與之罪正也其以國氏與去疾之討有罪也

此莒之公子曷為不稱公子自謂先公之子可以以有國不疑遂立乎其位而無所稟也其書入者難詞也

展與出奔吳

展下公穀無與字左傳展與奔吳

**胡傳**

展與莒子也曷為不稱爵為弒君者與聞乎故也斯不可以有國矣不可以有國則曷為以國氏程氏曰罪諸侯之與其立也虢之會展與無列何以見諸侯之與其立乎莒雖以亂未能預會然許魯取鄆而在會者欲執叔孫則知諸侯之與其立矣亦以國氏惡宗亂也

叔弓帥師疆鄆田

左傳因莒亂也於是莒務

展與常儀靡奔齊君曰莒展之不立棄人

○春取鄆會正其封

○欲執叔孫事見更

○虢之會在前春

○展與

○展與及弒君之

○晉平公未嘗公



疆運田者何與晉為竟也與晉為竟則曷為師師而在畏晉也穀梁傳疆之為言猶竟也

○華邾悼公

附錄

左傳晉侯有疾鄭伯使公孫僑如晉聘且問疾叔向問焉曰寡君之疾病何神也子產曰昔高辛氏有子伯曰閼伯季曰實沈居于曠林不相能也日尋干戈以相征討后帝不臧遷閼伯于商丘主辰商人是因故辰為商星遷實沈于大夏主參唐人是因以服事夏商其季世曰唐叔虞當武王邑姜方震大叔夢帝謂己余命而子曰虞將與之唐屬諸參而蕃育其子孫及生有文在手曰虞遂以命之及成王滅唐而封大叔焉故參為晉星由是觀之則實沈參神也昔金天氏有裔子曰昧為玄冥師生允格臺駘臺駘能業其官官

○晉平公疾病公孫僑即子產且問晉侯疾病安否

○邑姜周武王正齊太公之女懷胎為愛大叔成王之弟叔虞

○水旱癘疫山川所至也故凡國有此災也

○霜雪風雨日月星辰所至也故凡國有此災也

○言平公平時若據異姓去同姓於四姬進德猶有減首則病猶可已

汾洮障大澤以處太原帝用嘉之封諸汾川沈沈妙尋黃實守其祀今晉土汾而滅之矣由是觀之則臺駘汾神也抑此二者不及君身山川之神則水旱癘疫之災於是乎祭之日月星辰之神則霜雪風雨之不時於是乎祭之若君身則亦出入飲食哀樂之事也山川星辰之神又何為焉僑聞之君子有四時朝以聽政晝以訪問夕以脩令夜以安身於是乎節宣其氣勿使有所壅閉秋底以露其體茲心不爽而昏亂百度今無乃壹之則生疾矣僑又聞之內官不及同姓其生不殖美先盡矣則相生疾君子是以惡之故志曰鬻妾不知其姓則卜之違此二者古之所慎也男女辨姓禮之太司也今君內實有四姬焉其無乃是也乎若由是二者弗可為也已四姬有之聞也此皆然矣叔向出行人揮送之叔



○晉平公以病故求醫於秦秦景公使醫名和者視晉疾疾

○謂金味辛木味酸水味鹹火味苦土味甘首由陰陽風雨而生青色白酸色青鹹色黑苦色赤甘色黃發見也白聲商青聲角黑聲羽赤聲徵黃聲宮徵驗也

○風器也器受蟲害者謂之蠱○穀積久而生飛蠱亦謂之蠱○美為長女良為少男少男而說長女非匹蠱事之家  
○美為風良為山山為風所落蠱壞之象

○楚公子圍弑於其而自立以瘞疾赴於諸侯與鄭駢同

向問鄭故焉且問子皙對曰其與幾何無禮而好陵人怙富而卑其止弗能久矣晉侯聞子產之言曰博物君子也重賄之晉侯求醫於秦秦伯使醫和視之曰疾不可為也。是謂近女室疾如蠱非鬼非食惑以喪志良臣將死天命不祿公曰女不可近乎對曰節之先王之樂所以節百事也故有五節遲速本末以相及中聲以降五降之後不容彈矣於是有一煩手淫聲悖理心耳乃忘平和君子弗聽也物亦如之至於煩乃舍也巳無以生疾君子之近女惑以發為五色徵為五聲淫生六疾六氣曰陰陽風雨晦明也分為四時序為五節過則為菑陰淫寒疾陽淫熱疾風淫末疾雨淫腹疾晦淫惑疾明淫心疾女陽物而晦時淫疾生內熱惑蠱之疾今君不節不時能無及此乎出告趙孟趙孟曰誰當良臣對

曰主是謂矣主相晉國於今八年晉國無亂諸侯無讎可謂良矣和聞之國之大臣祭其寵祿任其大節有菑禍頭而無敗焉必受其咎今君至於淫以生疾將不能圖恤社稷禍孰大焉主不能禦吾是以云也趙孟曰何謂蠱對曰淫溺惑亂之所生也於文血蠱為蠱穀之飛亦為蠱在周易女惑男風落山謂之蠱皆同物也趙孟曰良醫也厚其禮而歸之

冬十有一月己酉楚子康卒

楚公子圍使公子黑肱伯州犂城擊鄭子產曰不害今尹將行大事而先除二子也禍不及鄭何患焉冬楚公子圍將聘于鄭伍舉為介未出竟聞王有疾而還伍舉遂聘十月己酉公子圍至入問王疾繼而殺之遂殺其二子幕及平夏若尹子干出奔晉宮廐尹



舉本雅為民詩

○史佚周武王時太史名佚有言

○集解云書楚圖欲自殊異故海浦為王

○前以自衛也

子哲出奔鄭殺大宰伯州犂于郊葬王于郊謂之郊教使赴于鄭而舉問應為後之辭焉對曰寡大夫圍伍舉更之曰共王之子圍為長子于奔晉從車五乘叔向使與秦公子同食皆百人之餼趙文子曰秦公子富叔向曰底祿以道德鉅以年同以尊公子以國不聞以富且夫以于乘去其國彊德已甚詩曰不侮鰥寡不畏彊禦秦楚四也使后子與于于齒辭曰誠懼選楚公子不獲是以皆來亦唯命且臣與焉無乃不可乎史佚有言曰非羈何忌楚靈王即位遠罷為令尹遠於疆為大宰鄭游吉如楚葬郊教且聘立君謂子產曰具行器矣楚王汰侈而自說其事必合諸侯吾往無日矣子產曰不數年未能也

**胡傳**

按左氏楚令尹圍將聘于鄭未出見使赴於諸侯應為後之詞曰共王之子圍為長初圍之未動於惡入預夏盟緝蒲為

○集詳仲尼已生至此年已一歲  
○子游子夏二二聖門高弟以文學名者也而孔子修春秋筆則筆削則削雖二子亦不能贊一辭見聖人听獨而非人所能與矣  
○六主者謂夏啓商湯周武王成王康王穆王二公者齊桓晉文也  
○魯四年齊桓公伐楚楚屈完來盟于鍾離于召陵用之會樹

宮設服離衛中國大夫莫不知其有無君之心矣雖以疾赴曷為承為藏在諸侯之策乎當是時仲尼已生終志于學乃所見之世非祖之所逮聞也又曷為因之而不筆乎曰此春秋之所以為春秋非聖人莫能修之者也蓋則書楚卒則書卒弒則書弒葬則書葬各紀其實載於簡策國史掌之此史官之所同而凡為史者皆可及也或薨或不薨或卒或不卒或弒或不弒或葬或不葬筆削因革裁自聖心以達王事此仲尼之所獨而游夏亦不能與焉者也然則郊教實弒而書卒何歟令尹圍弒君以立中國力所不加而莫能致討則亦已矣至六合諸侯于申與會者凡十有三國其臣舉六主二公之事其君用齊桓召陵之禮而宋向戌鄭子產皆諸侯之良也而皆有戲焉不亦傷乎若革其偽是而正以弒君將恐天下後世以篡弒之賊非獨不



舉謂靈主撰六王二  
公之事擇用何禮王  
曰吾用齊桓全文引  
見宋照下

○甲辰乃十二月朔  
趙武烝祭家廟趙文  
子卒十二月七日也

○易象上下經之象辭○魯春秋史記之策書○易乃聖人變通之典禮春秋通周公之  
與以序事故曰周禮盡在魯矣

○蓋易象春秋文主  
風公之制當此時儒  
道慶謂國多缺唯魯  
備故宣子適魯而說  
之

必致討又可從之以主會盟而無惡矣聖  
人至此憫之甚懼之甚憫之甚者憫中國  
之衰微而不能振也懼之甚者懼人欲之  
橫流而不能遏也是故察微顯權輕重而  
畧其篡弒以扶中國制  
人欲存天理其義微矣

### 楚公子比出奔晉

**附錄**

左傳十二月晉既烝趙孟適南陽將  
會諸侯于餘甲辰朔烝于溫庚戌卒鄭  
伯如晉弔及雍乃復

**辛酉** 晉平十八。齊景八。衛襄四。蔡靈  
五年。鄭簡二十六。曹武十五。陳哀  
二十九。杞文十。宋平三十六。秦景  
三十七。楚靈王庚元。吳夷末四。

### 春晉侯使韓起來聘

左傳春晉侯使韓宣子  
來聘且告為政而來見

禮也。觀書於太史氏見易象與魯春秋曰周  
禮盡在魯矣。吾乃今知周公之德與周之所  
以王也。公享之。季武子賦。縣之卒。章韓子賦。  
角弓。季武子拜曰。敢拜子之彌縫。敝邑寡君  
有望矣。武子賦。節之卒。章既享。宴于季氏。有  
嘉樹焉。宣子譽之。武子曰。宿敢不封殖。此樹  
以無忘。角弓。遂賦。甘棠。宣子曰。起不堪也。無  
以及。召公宣子。遂如齊。納幣。見于雅。子雅召  
子旗。使見宣子。宣子曰。非保家之主也。不臣  
見于尾。子尾見疆。宣子謂之。如子旗。大夫多  
笑之。唯晏子信之。曰。夫子君子也。君子有信  
其有以知之矣。自齊聘於衛。衛侯享之。北宮  
文子賦。淇澳。  
宣子賦。木瓜。

**附錄**

左傳夏四月韓須如齊。逆女。齊陳無  
侯謂之。少齊謂陳無字。非卿。執諸中都。少  
姜為之。請曰。送從。逆班。畏大國也。猶有所



叔弓叔老子

惡之薰然盟  
遂以為卿

聚是以

夏叔弓如晉

左傳叔弓聘于晉報宣子也晉侯使邲勞辭曰寡君使邲來繼舊好固曰女無敢為賓徹命於執事敝邑繼舊好如合使成三之祿也敢辱大館叔向曰子叔子知禮哉吾聞之曰忠信禮之器也卑讓禮之宗也辭不忘國忠信也先國後己卑讓也詩曰敬慎威儀以近有德夫子近德矣

秋鄭殺其大夫公孫黑

左傳秋鄭公孫黑將作亂欲去游氏而代其位傷疾作而不果駟氏與諸大夫欲殺之子產在鄙聞之懼弗及乘遽而至使更數之曰伯有之亂以大夫國之事而未討也爾有亂心無厭國不女堪專伐伯有罪一也昆弟爭室而罪二也薰隧之盟女君位而罪三也有死罪三何以堪之不速死

在襄公三十年

伯有即良霄也

兄弟爭室即與子

林氏曰書其罪於

木以加罪也

冬公如晉至河乃復季孫宿如晉

左傳晉公如

大刑將至再拜稽首辭曰死在朝夕無助天為虐子產曰人誰不死凶人不終命也作凶事為凶人不助天其助凶人乎請以印為諸師子產曰印也若君將之平請以印為諸從女女罪之不恤而又何請焉不速死可寤將至七月壬寅繼尸諸周氏之衢加木焉

胡傳

按左氏鄭駟黑好在人上攻良霄而逐之又與公孫楚爭室又將作亂去游氏代其位傷疾作而不果子產使更數之曰爾有亂心無厭國不女堪專伐伯有而罪一也兄弟爭室而罪二也矯君之位而罪三也不速死大刑將至遂繼而尸之黑則有罪而鄭人初畏其強不之討也因其疾而幸勝之則亦云殆矣故稱國以殺累乎上也

春秋卷二十九



○集解云以聞少姜之喪故如晉而以使之歸而還亦見其中之無主矣服祿服也故穀梁子曰公如晉而不得入季孫宿如晉而得入惡季孫宿也

○曲禮云夫禮者自其而尊人又曰禮下不妄悅入

○客死他境事見後使之言

○中欲晉邑也晉欲使齊以適夫人禮送少姜故執陳桓子以責之

○蓋言少姜禮數如中適夫人也

○不急也謂晉晉以禮儀為急而不明禮節之實故及季孫意知之逐而失國出奔也

○二十九年齊侯使高張來聘公欲主君比魯公於大夫下此也晉當作齊字

晉及河晉侯使士文伯來辭曰非仇儷也請君無辱公還季孫宿遂致服焉叔向言陳無字於晉侯曰彼何罪君使公族逆之齊使上大夫送之猶曰不共君求以貪國則不共而執其使君刑已頗何以爲盟主且少姜有辭冬十月陳無字歸十一月鄭印良如晉用公羊傳其言至河乃復何不敢進也穀梁傳恥如晉故著有疾也公如晉而不得入季孫宿惡季孫宿也

**胡傳**

按左氏晉少姜卒公如晉及河晉侯使士文伯來辭曰非仇儷也請君無辱公還季孫宿遂致服焉舉動不君之太節賢哲量之以行藏其道茲亦窺之以作止其惡四鄰視之以厚薄其情故有國者必謹於禮而後動此守身之本保國之基也禮雖自卑而尊人亦不妄悅人以自辱昭公既不能據經守正失禮而妄動又不

能從權適變無故而輕復然復失國出奔客死他境蓋始諸此行矣或曰禮者明微正於未動之前可也巳至于河而見卻雖欲勿反將得已乎曰以周公之胄于乘之國輕身以脩鄰好乃卻而不納夫何敢若曰敝邑褊小敬事大國惟恐獲戾聞陳無字見執於中都謂少姜之歎於守適信也用是不違寧處跋履山川來脩弔事今若不獲進與剪爲仇讐他國誰敢朝夕在廷脩事大之禮乎夫小國之去就從違聽大國之令也若非仇儷齊人請陳無字之罪何以令之也若有二命又何以爲盟主如以此晉人其將謝過之不暇敢不納乎昭公習儀以亟而不明乎禮其及也宜經書公如晉至河乃復季孫宿如晉而昭公失國之因季氏逐君之漸晉人下此之迹不待取絕而皆見矣



景王三年 晉平十九 齊景九 衛襄五 蔡靈  
六年 四 鄭簡二十七 曹武十六 陳哀  
三十 杞文十一 宋平三十七 秦  
景三十八 楚靈二 吳夷末五

春王正月

**附錄** 左傳鄭游吉如晉送少姜之葬 梁丙  
此來也 于太叔曰 將得已乎 昔文襄之薨  
也 其務不煩 諸侯令 諸侯二歲而聘 五歲  
而朝 有事而會 不協而盟 若葬大夫 則  
共葬 事夫人 士弔 大夫送葬 足以昭禮 命  
事 謀闕而已 無加命矣 今葬之喪 不取  
擇位而數 於守適 唯懼獲戾 豈敢憚煩  
姜有寵而死 齊必繼室 今茲吾又將來 實  
不在此行也 張趯曰 善哉 吾得聞此數也  
然自今子其無事矣 譬如火馬 火中寒暑  
乃退 此其極也 能無退乎 晉將矢 諸侯諸

○譬如火火心星大  
火心星季夏昏中季  
冬且中是故季夏暑  
退季夏寒退季夏暑  
極季夏寒極

○成公卒悼公寧立

侯求煩不獲 一大夫退于太叔告人  
曰張趯有知其猶在君子之後乎

未滕子原卒 同盟故書名

**附錄** 左傳齊侯使晏嬰請繼室於晉曰寡  
君使嬰曰寡人願事君朝夕不倦將  
奉質幣以無失時則國家多難是以不獲  
不腆先君之適以備內官焜耀寡人之望  
則又無祿早世隕命寡人失望若君若不忘  
先君之好惠顧齊國辱收寡人微福於太  
公丁公昭臨敝邑鎮撫其社稷則猶有先  
君之適及遺姑姊妹若而人君若不棄敝  
邑而辱使董振擇之以備嬪嬙寡人之望  
也韓宣子使叔向對曰寡君之願也寡君  
不能獨任其社稷之事未有伉儷在緣經  
之中是以未敢請君有辱命惠莫大焉若  
惠顧敝邑撫有晉國賜之內主豈唯寡君  
舉群臣實受其賜其自唐叔以下實寵嘉

○昆明也耀照也明  
照齊君之願望

○徵要也太公丁公  
齊先君言結誓於齊  
則先君與之福也

舉群臣實受其賜其自唐叔以下實寵嘉



○豆區釜鍾此四等量之別名  
 ○豆可容四升四豆為區區容斗六升四區為釜釜容六斗四升十釜為鍾鍾容六石四斗  
 ○區區釜三等之量登於也加二謂加舊量一焉以五升為豆四豆為區四區為釜則區二斗釜八斗鍾者八斗故大

之既成昏晏子受禮叔向從之宴相與語叔向曰齊其何如晏子曰此季世也吾弗知齊其為陳氏矣公棄其民而歸于陳氏齊舊四量豆區釜鍾四升為豆各自其四以登於釜釜十則鍾陳氏三量皆登一焉鍾八升大矣以家量貸而以公量收之山木如市弗加於山魚鹽蠶蛤弗加於海民參其力二公於公而衣食其一公裹朽蠹而三老凍餓國之諸市屢賤踊貴民人痛疾而或煥休之其愛之如父母而歸之如流水欲無獲民將焉辟之箕伯直柄虞遂伯戲其權胡公大姬已在齊矣叔向曰然雖吾公室今亦季世也戎馬不駕卿無軍行公乘無人卒列無長庶民罷敝而宮室滋侈道殫相望而女富溢尤民聞公命如逃寇讐樂却晉原狐續慶伯降在卑隸政在家門民無所依君曰不佞以樂懼憂公室之卑其何日之有謹鼎之銘曰昧日不顯

○是時景公用刑繁  
 以賈於市者故晏子規諫以對則足者多故踊貴而履賤

後世猶怠况臣不佞其能久乎晏子曰子將若何叔向曰晉之公族盡矣胥聞之公室將卑其宗族枝葉先落則公從之胥之宗十族唯羊舌氏在而已胥又無子公室無慶幸而得死豈其獲祀初景公欲更晏子之宅曰子之宅近市湫隘曠塵不可以居請更諸爽塏者曰君之先臣容焉臣不足以及嗣之於臣僚矣且小人近市朝夕得所求小人之利也敢煩里旅公笑曰子近市識貴賤乎對曰既利之敢不識乎公曰何貴何賤於是景公繁於刑有鬻踊者故對曰踊貴履賤既已告於君故與叔向語而稱之景公為是省於刑君子曰仁人之言其利博哉晏子一言而齊侯省刑詩曰君子如晉公更其宅反則成矣既拜乃毀之而為黑室皆如其舊則使宅人反之且諺曰非宅是卜唯鄰是卜二子先卜鄰矣



○華，鄆風相鼠詩為  
大而無禮儀之可觀  
何不速死之為愈也

違卜不祥君子不犯非禮小人不可犯不祥  
古之制也吾敢違諸乎卒復其舊宅公弗  
許因陳植子以請及許之○夏四月鄭伯  
如晉公孫段相甚敬而卑禮無違者晉侯  
嘉焉授之以策曰子豐有勞於晉國余聞  
而弗忘賜女州田以胙及舊勳伯不再拜  
稽首受策以出君子曰禮其人之急也乎  
伯石之汰也一為禮於晉猶荷其祿况以  
禮終始乎詩曰人而無禮胡不遄死其是  
之謂乎初州縣樂豹之邑也及樂氏亡范  
宣子趙文子韓宣子皆欲之文子曰温焉  
縣也二宣子曰自郤稱以別三傳矣晉之  
別縣不唯州誰獲治之文子病之及舍之  
二子曰吾不可以正議而自與也皆舍之  
及文子為政趙獲曰可以取州矣文子曰  
退二子之言義也違義禍也余不能治余  
難知而弗從禍莫大焉有言州必死豐氏

○林氏曰卿共小國  
之葬禮通厚葬義公  
之葬禮通厚葬義公

故主韓氏伯石之獲州也韓宣  
子為之請之為其復取之之故  
夏叔弓如滕五月葬滕成公  
葬滕成公于服椁為介及郊遇懿伯之忌敬  
子不入惠伯曰公事有公利無私忌叔請先  
入乃先受錡  
敬子從之

附錄左傳晉韓起如齊逆女公孫蠆為少  
姜之有寵也以其子更公女而嫁公  
子人謂宣子子尾欺晉晉胡受之宣子曰  
我欲得齊而遠其寵寵將來乎○秋七月  
鄭罕虎如晉賀夫人且告曰楚人曰徵散  
邑以不朝立王之故敝邑之往則畏執事  
其謂寡君而固有外心其不往則宋之盟  
云進退罪也寡君使虎布之宣子使叔向  
對曰君若辱有寡君在楚何害條宋盟也  
君苟思盟寡君乃知免於戾矣君若不有



○書曰能盡敬者

○種種短也自高表

○大馬看記

○不書大夫逐之而

○比相親比也

○醫藥楚大開守門

○晉厲公殺三卻事

春秋卷三十九

寡君雖朝夕辱於敝邑寡君備焉君實有心何辱命焉君其往也苟有寡君在楚猶在晉也張趯使謂大叔曰自子之歸也小人在糞除先人之敝廬曰子其將來今子皮實來小人失望犬叔曰吉賤不獲來畏太國尊夫人也且孟曰而將無事吉庶幾焉

**秋小邾子來朝**左傳小邾穆公來朝季武子邾實不忘我其敬以逆之猶懼其貳又卑下驂焉逆群好也其如奮而加敬焉志曰能敬無天所福也季孫從之 ○八月大雩左傳

**附錄**左傳齊侯田於菖盧蒲嬰見泣且請曰余髮如此種種余奚能為公曰諾吾告二子歸而告之子尾欲復之子雅不唯曰彼其髮短而心甚長其或寢處我矣

九月子雅放盧蒲嬰于北燕

**冬大雨雹** ○北燕伯欵出奔齊左傳燕簡公諸大夫而立其寵人冬燕大夫比以殺公之外嬖公懼奔齊書曰北燕伯欵出奔齊罪之也

也穀梁傳其曰比燕從史文也

**胡傳**按左氏燕簡公多嬖寵欲去諸大夫而公懼奔齊書曰北燕伯欵出奔齊罪之外也君雖不君矣臣不可以不臣燕伯欵去諸大夫固不君矣而大夫相與比以殺其外嬖是威脅其主而出之也與鬻拳之以兵諫無異而獨罪燕伯何哉大夫國君之陪貳以公心選之而不可私也誠意委之而不可疑也以隆禮待之而不可輕也以直道馭之而不可辱也否則是忽其陪貳以自危矣晉厲公殺三卻立郭允明而弒於趙厲氏漢隱帝殺楊史立郭允明而弒於趙



○衛獻公奔夷儀在襄公十四年復在二十六年凡在夷儀十二年而始復

○賤臣如登重郭允弼之類栢臣如三郤楊祁史弘擊之類

○事不成則失身而見殺晉厲公漢隱帝是也

○事不成則失國而出奔衛獻公是也

○林氏曰雷雪而雹故以為災而書之

村衛獻公茂家鄉而信其左右亦奔夷儀父而後復也故人主不尊陪貳而與賤臣圖栢臣者事成則失身而見殺事不成則失國而出奔此有國之大戒也春秋凡見逐於臣者皆以自奔為文正其本之意也而垂戒遠矣

**附錄**

田江南之夢○齊公孫竈卒司馬竈見夢于日又喪子推矣晏子曰惜也子旗不寤

癸景王四年晉平二十齊景十衛襄六蔡靈三十一杞文十二宋平二十八曹武十七陳哀

秦景二十九林心靈三吳夷未六

春王正月大雩

○陸道也謂夏十一月日在虛危冰堅而藏之  
○謂奎婁昂畢乃西方之星春分之中奎星朝見東立夏三月周五月日在昴畢蟄蟲出而用水

○胡見桓公十四年

曰聖人在上無害雖有不為災古者日在北陸而藏冰西陸朝覲而出之其藏冰也深山窮谷固陰凝寒於是乎取之其出之也朝之祿位賓食喪祭於是乎用之其出之也朝之秬黍以烹司寒其出之也挑孤棘矢以除其災其出入也時食肉之祿冰皆與焉大夫命婦喪浴用水祭寒而藏之獻羔而啓之公始用之水火而畢賦自命夫命婦至于老疾無不受冰山人取之縣人傳之輿人納之隸人藏之夫冰以風壯而以風出其藏之也錡其用之也德則冬無愆陽夏無伏陰春無安風秋無苦雨雷出而不震無蓄霜雹厲疾不降民不夭札公藏川池之冰棄而不用風不越而殺雷不發而震雹之為蓄誰能德之七月之卒章藏冰之道也

**胡傳**

陰陽之氣和而散則為霜雪雨露不和而散則為戾氣曠霾雹霽戾氣也陰

春秋卷二十九

十一



○明年金中軍  
○去年冬大兩電至  
此無見也  
○申豐魯大夫  
○手信也謂李氏專  
以申豐之言為信

○林氏曰必風七月  
之詩卒章曰二之日  
擊冰冲冲謂十二月  
擊而取之也三之日  
翔于凌陰凌陰冰室  
也四之日其蚤獻羔  
祭韭謂二月春分蚤  
開冰室以薦宗廟是  
藏冰之道備於此詩  
也

○四嶽東岳岱山在  
兗州西岳華山在雍  
州南岳衡山在荊州  
北岳恒山在冀州  
○三塗山名太行轅  
轅蹄龍也  
○太室即中岳嵩高  
山也在豫州

魯陽臣侵君之象當是時季孫宿襲位世卿將敗中軍專執兵權以弱公室故數月之間再有大變申豐者季氏之孚也不肯端言其事故暴揚於朝歸咎藏冰之失夫山谷之水藏之也周用之也徧亦古者本末備舉燮調之一事耳謂能使四時無愆伏婁世之變雷出不震無雷霜雹則亦誣矣意者昭公遇災而懼以禮為國行其政令無失其民覆之災也庶可德也不然雖得藏冰之道合於節風七月之詩其將能平

**附錄** 左傳春王正月許男如楚楚子止之舉如晉求諸侯二君待之極舉致命曰寡君使舉曰也君有惠賜盟于宋曰晉楚之從交相見也以歲之不易寡君願結驩於二三君使舉請間君若苟無四方之虞則願假寵以請於諸侯晉侯欲勿許司馬侯

曰不可楚主方後天或者欲逞其心以厚其毒而降之罰未可知也其使能終亦未可知也晉楚唯大所相不可與爭君其許之而脩德以待其歸若歸於德吾猶將事之况諸侯乎若適淫虐楚將棄之吾又誰與爭曰晉有二不殆其何敵之有國險而多馬齊楚多難有是三者何鄉而不齊對曰恃險與馬虞鄰國之難是三殆也四嶽三塗陽城太室荆山中南九州之險也是不一姓冀之北土馬之所生無與國焉恃險與馬不可以為固也從古以然是以先王務脩德昔以享神人不聞其務險與馬也鄰國之難不可虞也或多難以固其國啓其疆土或無難以喪其國失其守宇若何虞難齊有仲孫之難而獲桓公至今賴之晉有里不之難而獲文公是以為盟主衛邢無難敵亦喪之故人之難不可虞也持此二者而不脩政德亡於不暇又何能濟君其許之



○申楚縣○楚專令諸侯始此以楚莊之賢度陵之盟從之者陳鄭焉申申之會命十有二國楚之得志于中國未有盛於此時也

○齊禹子也鉤臺在河甬陽縣蓋啓臺諸侯於此  
○河南鞏縣西南有湯亭或言亳即偃師蓋湯命諸侯於此  
○武王誓諸侯於平津流伐紂也  
○岐陽在扶風美陽縣西北周成王歸自奄大蒐於岐山之陽○鄭在始平縣之東有臺臺康王於此朝諸侯

紂作淫虐文主惠和殷是以隕周是以興夫豈爭諸侯乃許楚使叔向對曰寡君有社稷之事是以不獲春秋時見諸侯君實有之何辱命焉叔舉遂請昏晉侯許之楚子問於子產曰晉其許我諸侯乎對曰許君晉君少安不在諸侯其大夫多求莫國其君在宋之盟又曰如君若不許君將焉用之王曰諸侯其來乎對曰必來從宋之盟承君之歡不畏大國何故不來不來者其魯衛曹邾乎曹畏宋邾畏魯魯衛曹邾於齊而親於晉唯是不來其餘君之所及也誰敢不至王曰然則吾所求者無不可乎對曰求逞於人不可與人同欲盡濟

夏楚子蔡侯陳侯鄭伯許男徐子滕子頓子胡子沈子小邾子宋世子佐淮夷會于申

專會諸侯始此左傳夏諸侯如楚魯衛曹邾不魯曹邾辭以難公難以時祭衛侯辭以疾鄭伯先待于申六月丙午楚子合諸侯于申叔舉言於楚子曰臣聞諸侯無歸禮以為歸今君始得諸侯其慎禮矣霸之濟否在此會也夏啓有鉤臺之享商湯有景亳之命周武有孟津之誓成有岐陽之蒐康有豐宮之朝穆有塗山之會齊桓有召陵之師晉文有踐土之盟君其何用宋向戌鄭公孫僂在諸侯之良也君其選焉王曰吾用齊桓王使問禮於左師與子產左師曰小國習之太國用之敢不薦聞獻公合諸侯之禮大子產曰小國共職敢不薦守獻伯子男會公之禮六君子謂合左師善守先代子產善權小國王使叔舉侍於後以規過卒事不規王問其故對曰禮吾所未見者有六焉又何以規宋太子佐後至王曰於武城父而弗見叔舉請辭焉王使往曰屬有宗祧之事於武城寡君將墮幣



○塗山在壽春東北  
周穆王會諸侯於此

○楚處靈王名  
見九年禘嘗之章

○集解云：惟天所相曰天道也。曰天將棄蔡，皆是責命于天之語。曰不可與爭，謂是委人事而不為之意。學者詳之。

○梁身竄於棘里而縊於申女。人不致討而天自討之。是責命于天而以人事為無益而弗為也。而可乎。弒君之賊在春秋時有臣子討之則衛人殺州吁是也。有四鄰討之則蔡人殺陳佗是也。臣子不能討之於內。四鄰不能討之於外。有與之會以定其位。則齊侯及魯宣公會于平州是也。有受其賂以免於討。則晉侯及諸國會于扈是也。然至此極矣。則未有不以為賊而又推為盟主。相與朝事之以聽順其所為而不取忤者也。故申之會不殊淮夷者。以在會諸侯皆為夷狄之行。皆王法之所當斥。而不使夏變於夷之意也。或曰晉叔向鄭子產宋向戌皆諸侯之良也。謀其國至變於夷而不救。何哉。聖人以天自處。賢者聽天所命。春秋之法以人合天。不在於天以義立命。不委於命而宇宙在其手者也。故楚麋書卒不革其僞。赴於前。諸侯會申與淮

焉敢謝後見徐子吳出也。以為貳焉。故執諸申。楚子示諸侯。後叔舉曰：夫六主二公之事，皆所以示諸侯禮也。諸侯所由用命也。夏桀為仍之會，有緡叛之。商紂為黎之蒐，東夷叛之。周幽為大室之盟，戎狄叛之。皆所以示諸侯法也。諸侯所由棄命也。今君以法無乃不濟乎。王弗聽。子產見左師曰：吾不患楚矣。汰而懷讓，不過十年。左師曰：然不十年後其惡亦如之。德遠而後棄，善

**胡傳**

申之會，楚子為主，而不殊淮夷。是在麋以立而求諸侯於晉。晉人許之。中國從之。執徐子圍朱方，遷頑於郟。城竟莫校。畏其強盛，則曰：晉楚唯天所相，不可與爭。滅陳不能救，則曰：陳亡而楚克有之。天道也。滅蔡而不能救，則曰：天將棄蔡，以雍楚。盈而降之罰也。至使窮凶極惡師潰於此。

○穀州吁在隱公四年  
○殺陳佗在桓公六年  
○齊侯齊惠公也在宣公元年  
○晉侯晉靈公也在文公十五年  
○莊子云：使人乃以心服而不致討之。



夷累數於後此以怨待人而責備賢者之意其垂訓之義大矣

○書執徐二危會申之諸侯也

○因申會以伐吳不諸侯者鄭徐勝小鄭未不在故也

○楚子欲行伯為齊討慶封故楚齊

楚人執徐子秋七月楚子蔡侯陳侯許男頓子胡子沈子淮夷伐吳左傳秋七月楚子以諸侯伐吳宋太子鄭伯先歸宋華費執齊慶封殺之圍朱方八月甲申克之執齊慶封而盡滅其族將戮慶封椒舉曰臣聞無瑕者可以戮入慶封唯逆命是以在此其肯從於我乎播於諸侯焉用之王弗聽負之斧鉞以徇於諸侯使言曰無或如齊慶封弒其君弒其孤以盟其大夫慶封曰無或如楚共王之庶子圍弒其君兄之子麋而代之以盟諸侯王使速殺之公羊傳此伐吳也其言執齊慶封何為齊誅也其為齊誅奈何慶封走之吳吳封之於防然則曷為不言伐防不與諸侯專封也慶封之罪何殄

○穀梁傳

○穀梁傳

○賴子賴之君自縛惟露其面手縛故曰得衡壁以為費

齊君而亂齊國也穀梁傳此入而殺其不言入何也慶封封乎吳鍾離其不言伐鍾離何也不與吳封也齊封其以齊氏何也為齊討也靈王使人以慶封令於軍中曰有若齊慶封弒其君者乎慶封曰子一息我亦且一言曰有若楚公子圍弒其兄之子而代之以為君者乎軍人粲然皆笑慶封弒其君而不以弒君之罪罪之者慶封不為靈王服也不與楚討也春秋之義用貴治賤用賢治不肖不以亂治亂也孔子曰懷惡而討雖死不服其斯之謂也遂滅賴賴公穀作厲左傳遂以諸侯滅之造於中軍王問諸椒舉對曰城主克許許信公如是王釋其縛受其璧焚其櫬王從之遷賴於郟楚子欲遷許於賴使闞章龜與公子棄疾城之而還申無宇曰楚禍之首將在此矣乃召諸侯而來伐國而克城竟莫校王心不違民其居乎民之不處其誰堪之不堪



○鄭高邑傳例曰克邑不用師徒曰取

○丘十六井僅出馬一匹牛三頭今子產別藏其田如魯之田賦田賦在哀十一年舉逸誌

○棘櫟麻皆楚東鄙三邑吳師入之

王命乃禍亂也穀  
梁傳遂繼事也  
○九月取郟  
左傳言易也  
立而不撫郟郟叛而來故曰取凡克邑不用師徒曰取公羊傳其言取之何滅之也滅之內太惡諱也

附錄

左傳鄭子產作丘賦國人謗之曰其父死於路已為斃尾以令於國國將若之何子寬以告子產曰何害苟社稷死生以之且吾聞為善者不改其度故能有濟也民不可遷度不可改詩曰禮義不愆何恤於人謗吾不遷矣渾罕曰國氏其先亡乎君于作法於涼其敝猶貪作法於貪敝將如之何姬在列者蔡及曹滕其先亡乎偏而無禮鄭先衛亡偏而無法政不率法而制於心民各有心何上之有○冬吳伐楚入棘櫟麻以報朱方之役楚沈尹射奔命於夏汭蒧尹宜咎城鍾離還啓疆

○先在成十六年穆子辟僑如之難奔齊

○女生曰姓姓謂子也蓋問婦人有子否

○公孫明即齊大夫一明也與叔孫相知於齊

城巢然丹城州來東國水不可以城彭生罷賴之師

冬十有二月乙卯叔孫豹卒

左傳初穆子去叔孫氏及庚宗

遇婦人使私為食而宿焉問其行告之故哭而送之適齊娶於國氏生孟丙仲士夢天壓已弗勝顧而見人黑而上僂深自而狼喙號之曰牛助余乃勝之且而皆召其徒無之且曰志之及宣伯奔齊饋之宣伯曰魯以先子之故將存吾宗必召女召女何如對曰願之矣魯人召之不出告而歸既立所宿庚宗之婦人獻以雉問其姓對曰余子長矣能奉雉而從我矣召而見之則所夢也未聞其名號之曰牛曰唯皆召其徒使視之遂使為堅有寵長使為政公孫明知叔孫於齊歸未逆國姜一明取之故怒其子長而後使逆之田於孟孟遂遇疾焉堅牛欲亂其室而有之強與孟盟不可叔孫為孟鍾曰爾未際享大夫以



○北婦人謂國事者謂公孫明

○路周主所賜車馬

○左不便也言其不便也

落之既具使堅牛請曰入弗譌出命之日及  
賓至聞鐘聲半日孟有北婦人之客怒將往  
牛止之賓出使掩而殺諸外牛又強與仲盟  
不可仲與公御萊書觀於公公與之環使牛  
入示之入不示出命佩之牛謂叔孫見仲而  
仰叔孫曰何為曰不見既自見矣公與之環  
而佩之矣遂逐之奔齊疾急命召仲牛許而  
不召杜洩見告之亂洩授之戈對曰求之而  
至又何去焉堅牛曰夫子疾病不欲見人使  
真饋于介而退牛弗進則置虛命徹十二月  
癸丑叔孫不食乙卯卒牛立昭子而櫛之公  
使杜洩葬叔孫堅牛賂叔仲昭子與南遺使  
惡杜洩於季孫而去之杜洩將以路葬且盡  
卿禮南遺謂季孫曰叔孫未乘路葬焉用之  
且冢卿無路介卿以葬不亦左平季孫曰然  
使杜洩舍路不唯曰夫子受命於朝而聘于  
王王思舊勳而賜之路復命而致之君君不  
敢逆王命而復賜之使三官書之吾子為司

○是弄到者賜路之命令也

徒實書名夫子為司馬與工主書服子孫為  
司空以書勳死而弗以路是棄君命也書  
在公府而弗以是廢三官也若命服生弗敢  
服死又不以將焉用之乃使以葬季孫謀去  
中軍堅牛曰夫  
子固欲去之

甲子八年五年 晉平二十一。齊景十一。衛襄七。  
陳哀三十二。杞文十三。宋平三十。  
九。秦景四十卒。楚靈四。吳夷末七。

春王正月舍中軍 左傳 畢公室也。毀中軍于  
二分。公室而各有其一。季氏盡征之。叔孫氏  
臣其子。弟孟氏取其半焉。及其舍之也。四分  
公室。季氏擇二。二子各一。皆盡征之。而貢于  
公。以書使杜洩告於殯。曰。子固欲毀中軍。既  
毀之矣。敢告。杜洩曰。夫子唯不欲毀也。故盟  
諸僖閱。誼諸五父之衢。受其書而投之。帥士

○襄十一年始立中軍  
○是弄到者賜路之命令也  
從祀先公者善辭也  
微國史無以知舍中  
軍為季氏專事從祀  
先公為陽虎專季氏  
也



○披析也謂以邑與南遺

○難下辨上明夷  
○艮下坤上謙明夷  
初九爻為謙

而哭之叔仲子謂季孫曰帶受命於子叔孫曰葬鮮者自西門季孫命杜洩杜洩曰卿喪自朝魯禮也吾子為國政未改禮而又遷之羣臣懼死不敢言也既葬而行仲至自齊季孫欲立之南遺曰叔孫氏厚則季氏薄彼實家亂子勿與知不亦可乎南遺使國人助豎牛以攻諸大庫之庭司官射之中目而死豎牛取東鄙三十邑以與南遺昭子即位朝其家衆曰豎牛禍叔孫氏使亂大從殺適立庶又披其邑將以赦罪罪莫大焉必速殺之豎牛懼奔齊孟仲之子殺諸塞關之外投其首於寧風之棘上仲尼曰叔孫昭子之不勞不可能也周任有言曰為政者不賞私勞不罰私怨詩云有覺德行四國順之初穆子之生也莊叔以周易筮之遇明夷之謙三以示上楚丘曰是將行而歸為子祀以謙人入其名曰牛卒以餒死明夷日也日之數十故有十時亦當十位自王已下其二為公其三為

○林氏曰日中當王食時當公平且為卿雞鳴為士夜半為卑人定為與黃昏為隸日入為昏晡時為僕日昃為臺隅中日出闕不在象象王公曠其位

○日動物也雖有夷傷其動不爽君子象之

○明夷初九得位有應君子象也在明傷之世居謙下之位故澤辟難而行

御曰上其食日為二且且為三明夷之謙明而未融其當旦乎故曰為子祀日之謙當鳥故曰明夷于飛明而未融故曰垂其翼象日之動故曰君子于行當二在旦故曰三曰不食離火也艮山也離為火火焚山山敗於入為言敗言為讒故曰有攸往主人有言言必讒也純離為牛世亂讒勝將適離故曰其名曰牛謙不足飛不翔垂不峻翼不廣故曰其為子後乎吾子亞卿也抑少不終公羊傳舍中軍者何復古也然則曷為不言三卿五亦有中三亦有中穀梁傳貴復正也

○襄公十一年作三軍

**胡傳**按左氏氏舍中軍畢公室也初作三軍四分公室季氏擇二二子各一皆盡征之而貢于公然則三軍作舍皆自三家公不與焉公室益卑而魯國之兵權悉歸于季氏矣兵權有國之司命三綱兵政之本原



○南蒯叛事見十二年

○陽虎專季斯囚事見定公五年南蒯陽虎皆季氏之家臣也

○書名罪之

○羈莊公玄孫懿伯也其人甚賢魯君弗能舉而用之此言昭公不知禮無以守其國家

書其作舍而公孫于齊薨于乾侯定公無正必至之理也已則不臣三綱淪替南蒯叛陽虎專季斯囚而三桓之子孫微矣亦能免乎書曰舍中軍微詞以著其罪也

楚殺其大夫屈申

左傳楚子以屈申為貳於吳乃殺之以屈申為莫敖

使與令尹子蕩如晉逆女過鄭鄭伯勞于蕩于汜勞屈生于菟氏晉侯送女于刑丘于產

侯干邢丘 ○公如晉 左傳公如晉自郊勞侯謂女叔齊曰魯侯不亦善於禮乎對曰魯侯焉知禮公曰何為自郊勞至于贈賄禮無違者何故不也對曰是儀也不可謂禮禮所以守其國行其政令無失其民者也今政令

在家不能取也子家羈弗能用也好大國之盟陵虐小國利人之難不知其私公室四分民食於他思莫在公不圖其終為國君難

○時晉侯亦失政叔齊託魯以諷諭故君謂叔侯於

將及身不恤其所禮之本末將於此乎在而

附錄

左傳晉韓宣子如楚送女叔向為介

向曰楚主汰侈已甚子其戒之叔向曰汰侈已甚身之災也焉能及人若奉吾幣帛慎吾威儀守之以信行之以禮敬始而思終終無不復從而失義敬而不失威道之以訓辭奉之以舊法考之以先王度之以二國雖汰侈若我何及楚楚子朝其大夫曰晉吾仇敵也苟得志焉無恤其他今其來者上卿上大夫也若吾以韓起為闢而以羊舌肸為司宮足以辱晉吾亦得志矣可乎大夫莫對遠啓疆曰苟有其備何故不可耻匹夫不可以無備况耻國乎是以聖王務行禮不求耻人朝聘有珪享

○朝聘之禮皆以至



為盾上公圭九寸聘  
圭八寸侯伯圭七寸  
聘圭六寸子男瑞璧  
五寸聘璧四寸臣降  
於君一等也  
○享規服云獻也以  
為獻國所有杜云禮  
也以為既朝聘而享  
享禮也其義皆通  
有事執事以行禮也

規有璋小者述職大有巡功設机而不倚  
爵盈而不飲宴有好貨殮有陪鼎八有郊  
勞出有贈賄禮之至也國家之敗失之道  
也則禍亂興城濮之役晉無楚備以敗於  
邲邲之役楚無晉備以敗於鄢自鄢以來  
晉不失備而加之以禮重之以睦是以楚  
弗能報而求親焉既獲姻親又欲耻之以  
召寇讐備之若何誰其重此若有其人耻  
之可也昔其未有君亦圖之晉之事君臣  
曰可矣求諸侯而讓至求昏而薦女君親  
送之上聘及上大夫致之猶欲耻之君其  
亦有備矣不然奈何韓起之下趙成中行  
吳魏舒范鞅知盈羊舌肸之下祁午張趯  
籍談女齊梁丙張骼輔燾苗賁皇皆諸侯  
之選也韓襄為公族大夫韓須受命而使  
矣箕襄邢帶叔禽叔棣子羽皆大家也韓  
賦七邑皆成縣也羊舌四族皆疆家也平  
人若喪韓起羊肸五卿八大夫韓韓須

○石以向子食我也  
○韓氏七羊舌氏四  
而言十舉大數也羊  
舌四家共一縣故但  
言九縣

○羊婁防茲莒邑

石因其十家九縣長載九百其餘四十縣  
遺守四千奮其武怒以報其大耻伯華謀  
之中行伯魏舒帥之其蔑不濟矣君將以  
親易死實無禮以速寇而未有其備使群  
臣往遺之餼以逞君心何不可之有五曰  
不穀之過也大夫無辱厚為韓子禮下欲  
赦叔向以其所不知而不能亦厚其禮禮  
起反鄭伯勞諸圍辭不敢見禮也○鄭罕  
虎如齊娶於子尾氏晏子驟見之陳桓子  
問其故對曰能用  
善人民之主也

夏莒牟夷以牟婁及防茲來奔

也公羊傳傳莒牟夷者何莒大夫也莒無大夫  
此何以書重地也其言及防茲來奔何不以  
私邑累公邑也穀梁傳以者不以者也來奔  
者不言出及防茲以大及小也莒無大夫其  
曰牟夷何也以其地來也以地來則何以書



也重地也

○危曰曰奪地之罪重故不得不書其人

○襄二十一年鄭厲其以秦聞立來奔下二十一年黑肱以盟來奔此為三叛人也

○何氏曰公邑君邑也私邑臣邑也累次也義不可使臣邑與君邑相次故言及以絕之

也重地也

**胡傳**

邾莒之大夫名姓不登於史策微也邾夷莒大夫為以姓氏通重地也以其地叛雖賤必書地以名其人終為不義弗可滅矣其書來奔是授我以利而我入其利兩讓之也為國以義不以利如以利則上下交征而國必危矣為已以義不以利如以利則患得患失亦無所不至矣春秋於三叛人雖賤特書其名以懲不義懼淫人為後戒也邑而言及者公羊所謂不以私邑累公邑是也

秋七月公至自晉

左傳莒人朔于晉晉侯欲而執之誘也詩不以師而誘以成之惰也盟主而犯此二者無乃不可乎請歸之聞而以師討焉公歸公  
○戊辰叔弓帥師敗莒師秋七月公至自晉

○蚡泉膏地

于蚡泉蚡扶粉反公作漬穀作賁左傳莒人來討不設備叔弓敗諸蚡泉莒未陳也公羊傳潰泉者何直泉也直泉者何涌泉也穀梁傳狄人謂賈泉矢台號從中國名從人

人

○秦伯卒

公羊傳何以不名秦者夷也匿嫡之名也其名何嫡得之也

○冬楚子蔡侯陳侯許男頓子沈子徐人越

人伐吳

越始見經而常壽通得林人越驟強也通吳以疲楚者晉謀之失也通越以困吳者楚謀之失也  
左傳冬十月楚子以諸侯以繁揚之師會於夏汭越大夫常壽過帥師會楚子于瑣聞吳師出遠啓疆帥師從之楚子設備吳人敗諸鵲岸楚子以駟至于羅泝吳子使其弟蹇由犇師楚人執之將以鬻鼓王使問焉曰女上來吉乎對曰吉寡君聞君將治兵於敝邑下之以守龜曰余曷使以犇

春秋卷二十九

三

○景公卒子哀公立

○越始見經而常壽通得林人越驟強也通吳以疲楚者晉謀之失也通越以困吳者楚謀之失也



○傳二十八年楚與晉戰城濮上得吉兆而師敗其報效乃在於城濮在宣十二年

○集解云公羊以為封之於防穀梁以為封之於鍾離三傳不同如此

○史記紀顛項之苗裔曰大費與禹平水土是為栢翳舜賜姓嬴氏栢翳二子大廉後為秦若木為徐  
○殺慶封在四年秋  
○人棘櫟麻在四年冬棘櫟麻楚三邑名伯益舜臣其子受封於徐  
○越大禹之後也氏越王夏少康之後  
○徐穆王在穆王之時楚穆王在襄王之時  
○吳闔閭越勾踐稱王在景王以下  
○集解云伐者非義其從之者亦與與伐者有義其從之者亦與有義春秋之常法

師請行以觀王怒之疾徐而為之備尚克知之  
之龜兆告吉曰克可知也君若驩焉好逆使  
臣滋敵邑休殆而忘其死亡無日矣今君奮  
焉震電焉怒若執使臣將以豐鼓則兵知所  
備矣敵邑雖羸若早脩完其可以自師難易  
有備可謂吉矣且吳社稷是上豈為一人使  
臣獲擊軍鼓而敵邑知備以禦不虞其為吉  
孰大焉國之守龜其何事不下於一城一否其  
誰能常之城濮之兆其報在邈今此行也其  
庸有報志乃弗殺楚師齊於羅洧沈尹赤會  
楚子次於萊山遂射帥繁揚之師先入南懷  
楚師從之及汝清吳不可入楚子遂觀兵於  
坻箕之山是行也吳早設備楚無功而還以  
蹶由歸楚子懼吳使沈尹射待命于巢遂啓  
疆待命于  
雩婁禮也

**胡傳**

越始見經而與徐皆得稱人何也吳以朱方處齊慶封而富於其舊崇惡

也楚圍朱方執齊慶封殺之討罪也吳不顧義入棘櫟麻以報朱方之役狄道也楚於是諸侯伐吳則比吳為善而師亦有名其從之者進而稱人可也或者以詞為主而謂不可云沈子徐越伐吳故特稱人誤矣以不可為文詞而進人於越一字褒貶義安在乎且吳楚徐越雖比於夷狄而劉敞以為其實不同吳太伯之後也楚祝融之後也徐伯益之後也越大禹之後也其前世皆為元德顯功通于周室與中國冠帶之君無以異徐始稱王楚後稱王吳越因遂稱王王非諸侯所當稱也故春秋比諸夷狄雖然猶不欲絕其類是以上不使與中國等下不使與夷狄均推之可遠引之可來此聖人慎絕人亦春秋之意也

**附錄**

左傳秦后子復歸於秦景公卒故也



也

○林氏曰文公卒平公立

○鑄刑書於鼎以為國之常法

景王六年

晉平二十二年齊景十二衛襄八。蔡靈七鄭簡三十曹武十九陳哀三十三杞文十四卒宋平四十。秦哀公元年楚靈五吳夷未八。

春王正月杞伯益姑卒

左傳杞文公卒。○葬

秦景公

左傳三月鄭人鑄刑書。叔向使詒子產書曰始吾有虞於子今則已矣昔先王議事以制不為刑辟懼民之有爭心也猶不可禁禦是故制之以義糾之以政行之以禮守之以信奉之以仁制為祿位以勸其從嚴斷刑罰以威其淫懼其未也故誨之以忠尊之以行教之以務使之以和臨之以敬泄之以強斷之以剛備求聖哲之上明察之官忠信之長慈惠之師民於是乎可在使也而不生禍亂民知有辟

附錄

左傳三月鄭人鑄刑書。叔向使詒子產書曰始吾有虞於子今則已矣昔先王議事以制不為刑辟懼民之有爭心也猶不可禁禦是故制之以義糾之以政行之以禮守之以信奉之以仁制為祿位以勸其從嚴斷刑罰以威其淫懼其未也故誨之以忠尊之以行教之以務使之以和臨之以敬泄之以強斷之以剛備求聖哲之上明察之官忠信之長慈惠之師民於是乎可在使也而不生禍亂民知有辟

○夏殷周三代刑書之起皆末世之事言不起於始盛之世

○舉周頌我將詩

○季孫宿即季武子謝前年受平夷也

則不怠於上並有爭心以徵於書而徵侯以成之弗可為矣夏有亂政而作禹刑商有亂政而作湯刑周有亂政而作九刑三辟之典皆叔世也今吾子相鄭國作封疆立謗政制參辟鑄刑書將以靖民不亦難乎詩曰儀式刑文王之德日靖四方又曰儀刑文王萬邦作孚如是何辟之有民知爭端矣將濼禮而徵於書雖力之未將盡爭之亂微滋豐賄賂並行終子之世鄭其敗乎。胙聞之國將亡必多制其此之謂乎。復書曰若吾子之言僑不才不能及子孫吾以救世也既不承命敢忘太惠王文伯曰火見鄭其火乎。火未出而作火以鑄刑器藏爭辟焉。火如象之不火何焉。夏季孫宿如晉。左傳拜莒田也。晉侯享之有國之事。太國也。苟免於討不敢求。得親不。過三獻。今豆有。加下。臣弗。無乃。決也。韓宣。

春秋卷三十一

三十三



○合比宋大夫

○亡人華臣也襄十七年奔衛言合比將

○柳寺人之名

○殺世適座在襄二十六年

○趙高秦人天下大亂高志二世怒誅及其身遂殺二世謀立子嬰及子嬰殺趙高自立

九四十八日而降於漢秦遂亡

○中常侍東漢宦者官名真見前漢書及後漢書

○守澄田令致唐敬宗又宗信宗間之權臣也事見唐書并通鑑唐紀

舉小雅角弓詩

子日寡君以為驩也對日寡君猶未敢况下臣君之諫也敢聞加貶固請徹加而後卒事

禮重其好貨

○葬杞文公○宋華合比出奔

衛因傳宋寺人柳有寵太子佐惡之華合比

曰合比將納亡人之族既盟于北郭矣公使

視之有焉遂逐華合比合比奔衛於是華亥

欲代右師乃與寺人柳比從為之徵日聞之

亡女喪而宗室於人何有人亦於女何有詩

日宗子維城母御城壞毋獨斯畏女其畏哉

告公日合比將納亡人之族既盟于北郭矣

代為右師乃與柳比從為之徵公使代之

宋公寵信聞寺殺世適座而父子之恩絕

逐華合比而君臣之義曠刑人之能敗國亡家亦可畏矣猶有任趙高以亡秦信恭顯十常侍以亡漢籠守守澄田令致以亡唐而不知鑒覆車之轍者不亦悲夫凡此類直書而義自見矣

附錄左傳六月丙戌鄭災○楚公子棄疾

游吉從鄭伯以勞諸相辭不敢見固請見

之見如見王以其乘馬八匹私面見子皮

如上卿以馬六匹見子產以馬四匹見子

大叔以馬二匹禁勿牧採樵不入田不

種不採薪不抽屋不強句誓日有犯命者

君子廢小人降舍不為暴主不恩實往來

如是鄭三卿皆知其將為王也韓宣子之

適楚也楚人弗逆公子棄疾及晉境晉侯

將亦弗逆叔向曰楚辟我喪若何效辟詩

日爾之教矣民胥效矣從我而已焉用效

齊水卷二十一

三二日冬



書述書則法也聖  
可為法於天下無  
帝靈也

人之辟乎。匹夫為善，民猶則之。况國君  
正而侯說，乃逆之。

秋九月大雩因傳○楚遠寵帥師伐吳罷音

使遠伐徐，吳人救之。令尹子蕩帥師伐吳，  
師于豫章，而次于乾谿。吳人敗其師于房鍾，  
獲宮廐尹棄疾，子蕩歸罪於遠，洩而殺之。

○冬叔弓如楚左傳聘且○齊侯伐北燕左

十一月齊侯如晉，請伐北燕也。士匄相，執  
逆諸河，禮也。晉侯許之。齊侯遂伐北燕，將納  
簡公。晏子曰：「不入燕，有君矣。民不貳，吾君  
賄左右，諂諛作大事，不以信未當，可也。」

春秋四傳卷之二十九

春秋四傳卷之三十

昭公二

丙景王七年晉平二十三。齊景十三。衛襄九

十。陳哀三十四。杞平公郁。釐元年。宋  
平四十一。秦哀二。楚靈一。吳夷未九。

春王正月暨齊平左傳齊來之也。癸巳齊侯

知罪，敢不聽命。先君之敝器，請以謝罪。公孫  
哲曰：「受服而退，侯勳而動，可也。」二月戊午，盟  
于濡上。燕人歸燕姬，賂以瑤。壅玉橫，等耳。不  
克而還。穀梁傳：平者成也。暨猶暨暨也。暨者  
不得已也。以  
外及內，曰暨。

胡傳：我所欲，曰及。不得已，曰暨。當是時，昭  
公結婚，強吳外附，荆楚其與齊平，無

○林氏曰：平不書，必  
關天下之大故，而後  
書。是故昭定而下春  
秋多不書齊。齊伐衛，遂  
伐晉，同用齊。齊伐晉，暨  
齊平。盟于鹹。天子伍  
氏皆特繫也。天子曰  
齊景公有馬千駟，死  
之日，民無得而稱，蓋  
不與齊也。



○故曰及平在定公十年

○能平隱六年鄭人來輸者是也

○擅平宣十五年宋人及楚人者是也

○得平即此是也東

○秋者謂吳人也

○急於平即定公十年之事是也大國謂齊也

○舉水雅北山詩

汲汲之意乃齊求於魯而許之平也故曰暨至定公八年魯再侵齊結大國之怨見復必矣其與齊平非不得已乃魯求於齊而欲其平也故曰及平者聖人之所貴然或以賄賂而結平或以臣下而擅平或以附夷狄而得平或以侵犯大國而急於平則皆罪也致其事而輕重見矣

**附錄**

羊尹無宇斷之曰一國兩君其誰堪之及即位為章華之宮納亡人以實之無宇之闖入焉無宇報之有司弗與曰執人於王宮其罪大矣執而謁諸王王將飲酒無宇辭曰天子經略諸侯正封古之制也封略之內何非君土食土之毛誰非君民故詩曰普天之下莫非王土率土之濱莫非王臣天有十日人有十等下所以事上上所以共神也故王臣公公臣大夫大夫

○昔周武王作泰誓三篇數商紂之罪

○官室始成登為

臣士士臣卑卑臣與與臣隸隸臣僚僚臣僕僕臣臺馬有圍牛有牧以待百事今有司曰女胡執人於王宮將焉執之周文主之法曰有寇亂所以得天下也吾先君所以封汝也若從有司是無所執也臣也逃而舍之是無陪臺也王事無乃闕乎昔武王數紂之罪以告諸侯曰紂為天下逋逃主萃淵藪故夫致死焉君王始求諸侯而則紂無乃不吐乎若以一文之法取盜有所在矣王曰取而臣以之往盜有寵未可得也遂赦之

**三月公如楚**

臣傳楚子成章華之臺願與諸魯侯遠啓疆來召公辭曰昔先君成公命我先大夫嬰齊曰吾不忘先君之好將使衡父照臨楚國鎮撫其社稷以輯寧爾民嬰齊受命于蜀奉承以來弗敢失隕而致



○國主共王康王郊  
致靈王也

○公將遠適楚故叔  
蘇如齊意舊好

○平公感晉命  
推十月之交詩兩句  
見何曰其義何謂也

○謝靈運草華臺楚  
靈王為魯公設章句

諸宗祧。曰我先君共王張領北望日月以冀  
傳序相授於今四主矣。嘉惠未至唯襄公之  
辱臨我喪孤與其二三臣悼心先圖社稷之  
不皇况能懷思君德。今君若步王趾區見寡  
君寵臨楚國以信蜀之敢望其先君鬼神實嘉  
君既受貺矣何蜀之敢望其先君鬼神實嘉  
賴之豈唯寡君君若不來使臣請問行期寡  
君將承質幣而見於蜀以請先君之貺公將  
往夢襄公祖而慎曰君不興行襄公之適楚  
也夢周公祖而行。今襄公實祖君其不行于  
服惠伯曰行先君未嘗適楚故周公祖以道  
之襄公適楚矣而祖以道君不行何之三月  
公如楚鄭伯勞于師之梁孟僖子  
為介不能櫛儀及楚不能答郊勞 ○叔孫舍  
如齊洫盟 舍左穀作媾後同穀梁傳在在也  
內之前定之辭謂之在在外之前定  
之辭謂 ○夏四月甲辰朔日有食之 左傳晉  
侯問於

士文伯曰誰將當日食對曰魯衛惡之衛大  
魯小公曰何故對曰夫衛地如魯地於是  
災魯實受之其大咎其衛君乎魯將上卿公  
曰詩所謂彼日而食于何不臧者何也對曰  
不善政之謂也國無政不用善則自取譴于  
日月之災故政不可不慎也務三而已一曰  
擇人二曰因  
民三曰從時

**附錄** 左傳晉人來治杞田季孫將以成與  
之謝息為孟孫守不可曰人有言曰  
雖有鞞鉞之知守不假器禮也夫子從君  
而守臣喪邑雖吾子亦有痛焉季孫曰君  
之在楚於晉罪也 小聽晉魯罪重矣晉  
師必至吾無以待之不如與之間晉而取  
諸杞吾與子桃成及誰敢有之是得二成  
也魯無憂而孟孫益邑子何病焉難以無  
山與之萊柞乃遷于桃晉人為杞取成  
楚子享公于新臺使長鬣者相好以大鹿

春秋卷三十一



○太厲多客宴好之賜以天祿之弓也賈云寶金可以為劍出太厲也

○解者曰獸非入水之物故是三足鼈也一曰既為神何姓是獸案說文及字林皆云龍屬足似鹿狀則龍能屬入為鼈類今本作龍若勝也東海人祭禹廟不用龍白及鼈為膳斯豈懸化為一物乎

○魄形也始化為形其神形曰魄此有生之初也  
○魂屬陰主靜至靜生動陽也魄陽為氣其神氣曰魂此既生

既而悔之遂啓疆聞之見公公語之拜賀公曰何賀對曰齊與晉越欲此久矣寡君無適與也而傳諸君君其備禦三鄰慎守寶矣敢不賀乎公懼乃反之○鄭子產聘於晉晉侯有疾韓宣子逝客私焉曰寡君寢疾於今三月矣並走羣祀有加而不瘳今夢黃熊入于寢門其何厲鬼也對曰以君之明子為大政其何厲之有昔堯殛鯀于羽山其神化為黃熊以入于羽淵實為夏郊三代祀之晉為盟主其或者未之祀也乎韓子祀夏郊晉侯有間賜子產莒之二方鼎子產為豐施歸川田於韓宣子曰曰君以夫公孫段為能任其事而賜之州田今無祿早世不獲義享君德其子弗敢存不敢以聞於君私致諸子宣子辭子產曰古人有言曰其父析薪其子弗克負荷施將懼不能任其先人之祿其况能任大國之賜縱吾子為政而可後之人若屬有

疆場之言敝邑獲戾而豐氏受其大討吾子取州是免敝邑於戾而建置豐氏也敢以為請宣子受之以告晉侯晉侯以與宣子宣子為初言病存之以易原縣於樂太走○鄭人相驚以伯有曰伯有至矣則皆走○將殺段也及壬子駟帶率國人益懼齊燕平之月壬寅公孫洩及良止以撫之乃止子月子產立公孫洩及良止以撫之乃止子太叔問其故子產曰鬼有所歸乃不為厲吾為之歸也大叔曰公孫洩何為子產曰說也為身無義而圖說從政有所反之以取媚也不媚不信不信民不從也及子產適晉趙景子問焉曰伯有猶能為鬼乎子產曰能人生始化曰魄既生魄陽曰魂用物精多則魂魄強是以有精爽至於神明匹夫匹婦強死其魂魄猶能依於人以

春秋左傳卷三十一



之後也

○襄公卒于靈公元

○變大夫下大夫也

○襄公卒于靈公元

○襄公卒于靈公元

雅常棣詩

為淫厲况良霄我先君鄭公之胄子良之  
孫子耳之子敝邑之卿從政三世矣鄭雖  
無腴抑諺曰藁爾國而三世執其政柄其  
用物也弘矣其取精也多矣其族又大所  
馮厚矣而強死能為鬼不亦宜乎○子皮  
之族飲酒無度故馬師氏與子皮氏有惡  
齊師還自燕之月罕朔殺罕騅罕朔奔晉  
韓宣子問其位於子產子產曰君之羈臣  
苟得容以逃死何位之致擇卿違從大夫  
之位罪人以其罪降古之制也朔於敝邑  
亞大夫也其官馬師也獲戾而逃唯執政  
所賞之得免其死為惠大矣又敢求位宣  
子為子產之敏也

秋八月戊辰衛侯惡卒

左傳衛襄公卒晉大夫  
諸侯貳詩曰鷓鴣在原兄弟急難又曰死喪

○晉衛兄弟也至親  
之間不相和睦

○孔子姓孔名丘蓋  
傷子卒時孔子已年  
三十五

之戚兄弟孔懷兄弟之不睦於是乎不用况  
遠人誰敢歸之今又不禮於衛之嗣衛必叛  
我是絕諸侯也獻子以告韓宣子宣子說使  
獻子如衛弔且及戚田衛齊惡告喪于周且  
請命王使成簡公如衛弔且追命襄公曰叔  
父涉恪在我先王之左右以佐事上帝余敢  
忘高圍亞圍穀梁傳鄉曰衛齊惡今日衛侯  
惡此何為君臣同名也君子不奪人名不奪  
人親之所名重其所○九月公至自楚左傳  
以來也王父名子也○九月公至自楚左傳  
子病不能禮乃講學之苟能禮者從之及  
其將死也召其大夫曰禮人之餘也無禮無  
以立吾聞將有達者曰孔丘聖人之後也而  
滅於宋其祖弗父何以有宋而授厲公及正  
考父佐戴武宣三命茲益共故其鼎銘云  
命而僕再命而偃三命而俯循墻而走亦其  
余敢侮鍾於是鬻於是以錫余口其共也如  
是臧孫紇有言曰聖人有明德者若不當世

春秋卷三十一

五



○舉水雅鹿鳴詩

其後必有達人。今其將在孔丘乎。我若獲沒，必屬說與，何忌於夫子使事之。而學禮焉。以定其位。故孟懿子與南宮敬叔師事仲尼。仲尼曰：能補過者，君子也。詩曰：君子是則是效。孟僖子可則效已矣。

**附錄**

左傳單獻公棄親，用羈，冬十月辛酉，襄頃之族殺獻公而立成公。

冬十有一月癸未季孫宿卒

左傳十一月季武子卒，晉侯謂

伯瑕曰：吾所問日食從矣，可常乎？對曰：不可。六物不同，民心不一，事序不類，官職不則，同始異終，胡可常也。詩曰：或燕燕居息，或惟惓惓。事國其異終也。如是，公曰：何謂六物？對曰：歲時日月星辰是謂也。公曰：多語寡人，辰而莫同，何謂辰？對曰：日月之會是謂辰，故以配日月。

○十有二月癸亥葬衛襄公

左傳衛襄公夫人姜氏無子，嬖

○舉水雅北山詩

○屯震下坎上  
○比坤下坎上屯初九爻變爲比

○書大誓曰朕夢協朕上，襲於休祥，我商必克。

人媯始生，孟縶，孔成子夢康叔謂已立，元余使羈之孫圉與史苟相之。史朝亦夢康叔謂已立，元余將命而子苟與孔蒸，鉏之曾孫圉相，元史朝見成子告之，夢協晉韓宣子爲政聘于諸侯之歲，媯始生子，名之曰元，孟縶之足不良，能行，孔成子以周易筮之，曰：元尚享，嘉國主其社稷，遇屯，屯又曰：余尚立，縶尚克，嘉之遇屯，屯之比，三三以，示史朝，史朝曰：元享，又何疑焉。成子曰：非長之謂乎？對曰：康叔名之可謂長矣。孟非人也，將不列於宗，不可謂長。且其繇曰：利建侯，嗣吉，何建建，非嗣也。二卦皆云：子其建之，康叔命之，二卦告之，筮襲於夢，武王所用也，弗從，何爲弱足者？居侯主社稷，臨祭祀，奉人民，事鬼神，從會朝，又焉得居各以所利，不亦可乎？故孔成子立。

丁卯 景王十八年 晉平二十四 齊景十四 衛靈公 元年 蔡靈九 鄭簡三十



二曹武二十一。陳哀三十五卒。杞平二。宋平四十二。秦哀三。楚靈七。吳夷末十。

春

**附錄**

左傳石言于晉，魏榆晉侯問於師曠曰：石何故言對曰：石不能言，或馬鳴，不然而民聽也。抑臣又聞之曰：作事不時，繼繼動于民，則有非言之物而言，今宮室崇侈，民力彫盡，然讞并作，莫保其性，石言不亦宜乎？於是晉侯方築鹿祈之宮，叔向曰：子野之言，君子哉！君子之言，信而有徵，故怨遠於其身。小人之言，僭而無徵，故怨及之。詩曰：哀哉不能言，匪舌是出，唯躬是瘁，罔矣。能言巧言如流，俾躬處獄，其是之謂乎？是宮也，成諸侯必叛，君必有咎，夫子知之矣。

陳侯之弟招殺陳世子偃師

左傳陳哀公元年

○林氏曰：以首惡從殺例，故林侯又稱世子。

○陳哀公元妃生偃師，二妃生公子圍，二妃嬖，留司徒招與公子過，哀公有廢疾，招過殺偃師而立留，哀公憂，遂自殺。

子偃師，二妃生公子圍，留，下妃生公子勝，二妃嬖，留司徒招與公子過，哀公有廢疾。二月甲申，公子招公子過殺悼太子偃師而立公子圍。穀梁傳：鄉曰：陳公子招，今曰：陳侯之弟招，何也？曰：盡其親，所以惡招也。兩下相殺，不志乎春秋，此其志何也？世子云者，唯君之貳也。云可以重之存焉，志之也。諸侯之尊，兄弟不得以屬，通其弟云者，親之也。親而殺之，惡也。

**胡傳**

此公子招特以弟稱者，著招憑寵稔惡而陳侯失親親之道也。招以公子為司徒，乃貴戚之卿，親則介弟，尊則叔父，號令廢立，自出莫敢于之者，也不能援立，嫡家安靖，國家而逢君之惡，我殺偃師，以致大寇，宗社覆沒，罪固大矣。陳侯信愛其弟，何以為失親親乎？尊賢者親親之本，不能擇親之賢者，厚加尊寵，以表儀公族，而徇其私愛，施於不令之人，以至亡國。

○大寇者，即指楚也。○曰：弟曰殺，見陳侯之任其弟也。曰：殺世子，所以見親親而亂其國也。故曰：交股，兩有罪而譏之也。



○哀公卒，是年陳滅  
十二年楚平王復封  
陳惠公與立。

○楚行人于徵師殺人

○留為招所立未成  
君而出其斧

敗家豈不失親親之道乎其曰陳侯  
之弟招殺陳世子偃師交與之也

夏四月辛丑陳侯溺卒左傳夏四月  
辛亥哀公繼○叔弓

如晉左傳賀虎祁也游吉相鄭伯以如晉亦  
賀虎祁也史趙見子太叔曰甚哉其相

何弔也其非唯我賀將天下實賀○楚人

執陳行人于徵師殺之左傳于徵師赴于楚  
且告有亡君公子勝

怨之子楚楚人執而殺之公子勝奔鄭書曰  
陳侯之弟招殺陳世子偃師罪在招也楚人

執陳行人于徵師殺之罪不在行人也殺梁  
傳稱人以執大夫執有罪也稱行人怨接於

也○陳公子留出奔鄭○秋蒐于紅蒐所求  
也

始此左傳秋大蒐于紅自根牟至于商衛革  
車千乘公羊傳蒐者何簡車徒也何以書蓋

○紅地○書蒐始此○蒐狩不書必違禮而後書於是舍中軍四分公室季氏墾  
各一皆盡此之而貢於公蒐于紅也自根牟至于商衛革車千乘皆三家之兵也

以罕書也穀梁傳正也因蒐狩以習用武事

禮之大者也艾蘭以為防置旃以為轅門以

為覆質以為棊流房握御轡者不得入車軌

塵焉侯踏拚禽旅御者不失其馳然後射者

能中過防弗逐不從奔之道也面傷不獻不

成禽不獻禽雖多天子取三十而其餘與士

眾以習射於射宮射而中田不得禽則得禽

田得禽而射不中則不得禽是以知古之貴

仁義而賤勇力也

胡傳蒐春蒐也秋興之則違天時有常所  
矣其于紅則易地利三家專行公不

與焉而兵權在臣下則恃入理此亦直書

其事不待貶絕而自見者也凡亂臣之欲

竊國命必先為非禮以動民而後上及於

君父昭公至是民食於他不恤其所昧於

履霜之戒甚矣

○集解云小則據邑  
大則賦父與君  
蓋無所不至矣



○與昭共殺偃師書

○不旱而秋雲過也

○壬午月十八日不稱將帥不以告

○後稱公子兒已卒

○孔魚招黨楚殺之

○壬午十月十八日傳言十一月誤

○婁人秦克蕞之魯性會故事

附錄

左傳 七月甲戌齊子尾卒子旗欲治其室丁丑殺梁嬰八月庚戌逐子成子士子車皆來奔而立子良氏之室其臣曰孺子長矣而相吾室欲兼我也授甲將攻之陳相子善於子尾亦授甲將助之或告子旗子旗不信則數人告將往又數人告於道遂如陳氏植子將出矣聞之而還游服而逆之請命對曰聞彊氏授甲將攻子旗子聞諾曰弗聞子盍亦授甲無字請從子旗曰子胡然彼孺子也吾誨之酒懼其不濟吾又寵秩之其若先人何子盍謂之周書曰惠不惠茂不茂康叔所以服弘大也桓子稽顙曰頃靈福子吾儉有望遂和之如初

陳人殺其大夫公子過

過古禾反左傳陳公子過招歸罪於公子過

○大雩 ○冬十月壬午楚師滅陳執陳

公子招放之于越殺陳孔魚

魚公作瑗左傳九月楚公子棄

疾帥師奉孫吳圍陳宋戴燕會之冬十一月壬午滅陳與婁袁克殺馬毀玉以葬楚人將殺之請實之既又請私私於帷加經於頽而逃使穿封戌為陳公曰城麋之役不諂侍飲酒於王王曰城麋之役汝知寡人之及此女其辟寡人乎對曰若知君之及此臣必致死禮以息楚國晉侯問於史趙曰陳其遂亡乎對曰未也公曰何故對曰陳顛頽之族也歲在鶉火是以卒滅陳將如之今在析木之津猶將復由且陳氏得政于齊而後陳卒亡自幕至于瞽瞍無違命舜重之以明德實德于遂逐世守之及胡公不淫故周賜之姓使祀虞帝臣聞盛德必百世祀虞之世數未也繼守將在楚其非既存矣穀梁傳惡楚子也

葬陳哀公

穀梁傳不與也

春秋左傳卷二十一



○林氏曰於是叔弓

及宋華亥鄭游吉衛

趙厲會楚子于陳諸

夏之大夫旅見於楚

於是趙舉魯以見其

餘也

○許畏鄭欲遷故以

自遷為文

○童子垂髮始冠必

以辨蓋緇布冠也故

謂之辨髦言王室豈

如辨髦童子始冠既三

加冠成禮而弁其始冠

緇布之冠永不復用故

以敘也

○晉猶衣服周猶冠冕

今晉若欲自裂其冠自

毀其冕晉猶木水周猶

木之本義水之原○晉

猶民人周猶謀主今晉

若欲專輿廢棄民人之

謀主此言晉之亂也

○晉猶民人周猶謀主

今晉若欲專輿廢棄民

人之謀主此言晉之亂

也

○晉猶民人周猶謀主

今晉若欲專輿廢棄民

人之謀主此言晉之亂

也

○晉猶民人周猶謀主

今晉若欲專輿廢棄民

人之謀主此言晉之亂

也

○晉猶民人周猶謀主

今晉若欲專輿廢棄民

人之謀主此言晉之亂

也

○晉猶民人周猶謀主

今晉若欲專輿廢棄民

人之謀主此言晉之亂

也

景王十九年 晉平二十五 齊景十五 衛靈

二十二年 陳滅杞 平三 宋平四十

二 秦哀四 楚靈八 吳夷未十一

春叔弓會楚子于陳

左傳春叔弓宋華亥鄭

游吉衛趙厲會楚子于

陳

左傳二月庚申楚公子棄疾

遷許于夷實城父取州來淮

北之田以益之伍舉授許男田

然丹遷城父於陳以東

濮西田益之遷方城外於許

於晉曰我自夏以後稷魏駘

丙張趯率陰戎伐潁王使詹桓伯辭

於晉曰我自夏以後稷魏駘丙岐畢吾西

土也及武王克商蒲姑商奄吾東土也巴

濮楚鄧吾南土也肅慎燕亳吾北土也吾

何邇邇封之有文武成康之建毋弟以藩屏

周亦其廢隊是為豈如弁髦而因以敘之

先王居構机于四裔以禦魘魅故允姓之

附錄

左傳周甘人與晉閻嘉爭閻田晉梁

丙張趯率陰戎伐潁王使詹桓伯辭

於晉曰我自夏以後稷魏駘丙岐畢吾西

土也及武王克商蒲姑商奄吾東土也巴

濮楚鄧吾南土也肅慎燕亳吾北土也吾

何邇邇封之有文武成康之建毋弟以藩屏

周亦其廢隊是為豈如弁髦而因以敘之

先王居構机于四裔以禦魘魅故允姓之

姦居于瓜州伯父惠公歸自秦而誘以來

使偪我諸姬入我郊甸則戎焉取之戎有

中國誰之咎也后稷封殖天下今戎制之

不亦難乎伯父圖之我在伯父猶衣服之

有冠冕木水之有本原民人之有謀主也

伯父若裂冠毀冕拔本塞原專棄謀主雖

戎狄其何有予一人叔向謂宣子曰文之

儻也豈能改物翼戴天子而加之以其自

文以來世有衰德而暴滅宗周以宣示其

侈諸侯之貳不亦宜乎且王辭直子其圖

之宣子說王有姻喪使趙成如周弔且致

閻田與祿及頰俘王亦使賔骨執其大夫

襄以說於晉晉人禮而歸之

夏四月陳災

災公穀作火左傳陳災鄭裨竈

日五午陳將復封封五十二年

而遂亡子產問其故對曰陳水屬也水火妃

也而楚所相也今火出而火陳逐楚而建陳

春水卷三十一

春水卷三十一

春水卷三十一

春水卷三十一



也。妃以五成故曰五年。歲五及鷄火而後陳卒亡。楚克有之。天之道也。故曰五十二年。公羊傳陳已滅矣。其言陳火何存陳也。曰存陳之賊。葬入之君。若是則陳存。悌矣。穀梁傳國曰。災邑曰火。火不志。此何以志。閱陳而存之也。

**胡傳**

凡外災告則書。今楚已滅陳。夷於屬諸侯。言亡國之有天災也。何以書於魯國之策乎。當是時。叔弓與楚子會于陳。則且擊其事矣。雖彼不來告。此不往弔。叔弓使再而歸。語陳故也。曾史遂書之耳。或曰國史所書必承赴告。豈有憑使人之言而載之於史者。曰。周景王崩。有尹單猛朝之變。面無赴告矣。叔鞅至自京師。言王室之亂也。春秋承其言。遂書於策。亦此類耳。仲尼作經存而弗革者。蓋與滅國繼絕世以堯

○林氏曰。戊。楚大夫。楚滅陳。為縣。故使穿封。為縣公。  
○彼。皆陳此。指魯。  
○尹文公圍單。楊公。圍。皆周。卿士。王猛子。朝。王。皆景王時事。見二十二年。  
○是時。叔鞅始如京師。

○集解云。春秋王道所在。諸侯皆其所封者也。不與楚之滅陳。故在陳而錄其災矣。此聖人之心也。  
○蔡本紀云。始皇初定天下。於其分天下為三十六郡。郡置守尉監牧。天下兵錄以為錄錄金人置宮庭中。徙天下豪富於咸陽。凡二十萬戶。

舜三代公天下之心。為心異於孤秦。能侯置守。欲私一人。以自奉者。所以歸民心。合天德也。穀梁以為存陳得其旨矣。

**附錄**

左傳晉荀盈如齊。逆女。還。六月。卒于屠蒯。趨入。請佐公。使尊許之。而遂酌以飲。工曰。女為君耳。將可聽也。展在子卯。謂之疾日。君徹宴樂。學人舍業。為疾故也。君之卿佐是為股肱。股肱或虧。何癩如之。女弗聞而樂。是不聰也。又飲外嬖。嬖叔曰。女為君目。將可明也。服以旌禮。禮以行事。事有其物。物有其容。今君之容。非其物也。而女不見。是不明也。亦自飲也。曰。味以行。氣氣以實。志以定。言以出。令臣實司味。御失官。而君弗命。臣之罪也。公說。徹酒。初。公欲廢知氏。而立其外嬖。為是後而止。秋八月。使荀躒佐下。宣以說焉。

○陳哲曰。二傳以災作火。則以言而言也。苟以言而言。則與楚之縣陳矣。要當以左氏為災為然。



○風虎也築於即地

秋仲孫矍如齊

矍俱縛反左傳子孟備

○冬築

郎圍左傳書時也季平子欲其速成也叔孫速成其以難民也無

魯猶可無民其可乎

景王十年晉平二十六卒齊景十六衛靈三蔡靈十一鄭簡三十四曹武二十三陳滅杞平四宋平四十四卒秦哀五楚靈九吳夷未十二

春王正月

禘登鄭大夫也

○二十八年宿四七故

**附錄**左傳春王正月有星出於房女鄭禘今茲歲在顛頊之虛姜氏任氏實守其地君其維首而有妖星焉告邑姜也邑姜晉之妣也天以七紀成于逢公以登星斯於是乎出吾是以譏之

嗜酒好內以取敗上故書初

○樂高一族即子雅子尾之後皆出惠公而好嗜酒信婦人之言故多怨

夏齊樂施來奔

齊公作晉左傳齊惠樂高氏皆者酒信內多怨疆於陳鮑

氏而惡之夏有告陳桓子曰子旗子良將攻陳鮑亦告鮑氏桓子授甲而如鮑氏遭子良醉而騁逐見文子則亦授甲矣使視二子則皆將飲酒桓子曰彼雖不信聞我授甲則必逐我及其飲酒也盍伐諸陳鮑方睦逐伐樂高氏子良曰先得公陳鮑焉往遂伐虎門晏平仲端委立于虎門之外四族召之無所往其徒曰助陳鮑乎曰何善焉助樂高乎曰庸愈乎然則歸乎曰君伐焉歸公召之而後入公使王黑以靈姑鉞率吉靖斷二尺焉而用之五月庚辰戰于稷樂高敗又敗諸莊國人追之又敗諸鹿門樂施高疆來奔陳鮑公其室晏子謂桓子必致諸公讓德之主也讓之謂懿德凡有血氣皆有爭心故利不可強思義為愈義利之在也蘊利生孽姑使無蘊乎可以滋長桓子盡致諸公而請老于莒桓

○蘊畜也孽妖害也寡利多則妖害生



○舉大雅文王詩載詩作我毛云哉載也鄭云也

○前已舍中軍矣在五年

子召子山私具幄幕器用從者之衣履而反棘焉子商亦如之而及其邑子周亦如之而與之夫亦友子城子公公孫捷而皆益其祿凡公子公孫之無祿者私分之絕國之貧約孤寡者私與之粟曰詩云陳錫載周能施也桓公是以霸公與桓子莒之旁邑辭穆孟姬為之請高唐陳氏始大

○秋七月季孫意如叔弓仲孫

獲帥師伐莒

意公作隱後同左傳秋七月平子伐莒取郟獻俘始用入於亳

社臧武仲在齊聞之曰周公其不饗魯繇乎周公饗義魯無義詩曰德音孔昭視民不佻佻之謂甚矣而壹用之將誰福哉

胡傳

前已舍中軍矣曷為猶以三卿並將乎季氏毀中軍四分公室擇其一二

家各有其一二至是季孫身為主將二子各率一軍為之副則二軍固在其日舍之者

○前已舍中軍矣曷為猶以三卿並將乎季氏毀中軍四分公室擇其一二家各有其一二至是季孫身為主將二子各率一軍為之副則二軍固在其日舍之者

特欲中分魯國之眾為已私耳以為復古則誤矣襄公以來既作三軍地皆三家之土民皆二家之兵每一軍出各將其所屬而公室無與焉是知雖舍中軍而三卿並將舊額固存矣

戊子晉侯彪卒

左傳戊子晉平公卒鄭伯如晉葬之游吉遂如

九月叔孫舍如晉葬晉平公

左傳九月叔孫婁如晉葬晉平公

宋華定衛北宮喜鄭罕虎許人曹人莒人邾人滕人薛人杞人小邾人如晉葬晉平公也鄭子皮將以幣行子產曰喪焉用幣用幣必百兩百兩必千人千人至將不行不行必盡用之幾千人而國不亡子皮固請以行既葬諸侯大夫欲因見新君叔孫昭子曰非禮也弗聽叔向辭之曰大夫之事畢矣而又命孤孤漸焉在衰絰之中其以嘉服見則喪禮未

○三月而葬遂



畢其以喪服見是重受弔也大夫將若之何皆無辭以見于皮盡用其幣歸謂子羽曰非知之實難將在行之夫子知之矣我則不足書曰欲敗德縱敗禮我之講矣夫子知喪與禮矣我實縱欲而不能自克也昭子至自晉大夫皆見高彊見而退昭子語諸大夫曰為人子不可不慎也哉昔慶封亡于屋多受邑而稍致諸君君以為忠而甚寵之將死疾于公宮輦而歸君親推之其子不能任是以在此忠為令德其子弗能任罪猶及之難不慎也喪夫人之力棄德曠宗以及其身不亦害乎詩曰不自我先不自我後其是之謂乎

○十有二月甲子宋公成卒

成公作成左傳冬十一月宋平

公卒初元公惡寺人柳欲殺之及喪柳熾炭于位將至則去之比葬又有寵

庚景王十四年

十有一年

晉昭公夷元年齊景十七衛靈四蔡靈十二

○蔡侯雖弑父而立楚子誘而殺之刑其羣士蔡大夫深惡故以楚子名告

鄭簡二十五曹武二十四陳滅杞平五宋元公佐元年秦哀六楚靈十吳夷末十三

春王二月叔弓如宋葬宋平公

作正月

夏

四月丁巳楚子虔誘蔡侯般殺之于申

或作

乾般音班左傳景主問於長弘曰今茲諸侯何實吉何實凶對曰蔡凶此蔡侯般弑其君之歲也歲在不韋弗過此矣楚將有之然繼也歲及大梁蔡復楚凶天之道也楚子在申召蔡靈侯靈侯將往蔡大夫曰王貪而無信唯蔡於感今幣重而言時誘我也不如無往蔡侯不可三月丙申楚子伏甲而饗蔡侯於申醉而執之夏四月丁巳殺之刑其士七十人公羊傳楚子虔何以名絕曷為絕之為其誘討也此討賊也雖誘之則曷為絕之懷惡而討不義君子不與也穀梁傳何為名之也夷狄之君誘中國之君而殺之故謹而名之



金水水火土是為

○陳哲云既殺其君矣又使圖之蓋猶滅

也稱時稱月稱日稱地謹也楚公子棄疾帥師圍蔡左傳棄疾帥師圍蔡韓宣子問於叔向曰楚其克乎對曰克哉蔡侯獲罪於君而不能其民天將假手於楚以懲之何故不克然於陳之不信以幸不可再也楚王奉孫吳以討於陳曰將定而國陳人聽命而遂縣之今又誘蔡而殺其君以圍其國雖幸而克必受其咎弗能矣矣榮克有得而喪其國糾克東夷以隕其身楚小位下而亟暴於二士能無咎乎天之假助不善非祚之也厚其凶惡而降之罰也且譬之如天其有五材而將用之力盡而敝之是以無拯不可沒振

**胡傳**左氏曰楚子在申召蔡侯其大夫曰王貪而無信幣重言身誘我也不如無往蔡侯不可楚子伏甲饗般於申執而殺之此討賊也雖誘殺之疑若無罪春秋

○世子般弑其君在襄公二十一年

○襄公曰蔡侯般弑其君也歲也歲在丙申蓋是年戊午此庚庚午通該十二年

○義見桓公二年

○何止曰內讓利國之心而外託討賊故不歸其討賊而責其誘討也

○棄疾以是殺我蠻

○棄疾以是殺我蠻在十六年

○劉項漢祖頂羽也

○劉項漢祖頂羽也宗之給王辨見唐書

○宗之給王辨見唐書

○宗之給王辨見唐書



○昭公母胡如歸姓

五月甲申夫人歸氏薨

左傳五月齊歸薨

大蒐于比

浦比音毗左傳非禮也公羊傳大蒐者簡車徒也何以書蓋以罕書也

**胡傳**

其曰大蒐越禮也君有重喪國不廢蒐則無本矣然則君有重喪喪不貳事以簡車徒為非禮也乃有身從金革而無避者獨何歎曰喪不貳事六比而簡車徒則廢其常可也有門庭之寇而宗廟社稷之存亡繫焉必從權制而無避矣伯禽服喪徐夷並興至于東郊出戰之師與莒城之役同日並舉度緩急輕重蓋有不得已焉者矣晉主克用楚梁兵壓境而莊宗決勝於夾寨周太祖殂契丹入寇而世宗接戰於高平若此者君行為顯親非不顧也

○則無本矣以其廢三綱也

○禮記曾子問云三年之喪金革之事無避也者非欤孔子曰昔者魯公伯禽有為為之也

○非庭之寇喻變之至迫者也

○徐夷淮夷徐戎也見書費誓篇

○元用姓李唐昭宗乾寧二年拜晉王

○莊宗決勝於夾寨見五代史

○周太祖殂姓郭名威漢隱遇害威遂自立

○契丹入寇而世宗接戰於高平見五代史

行爲愛君非不忌也惟審於緩急輕重之宜斯可矣

仲孫矪會邾子盟于祲祥

左傳孟僖子會邾邾公盟于祲祥脩好禮也

邾丘人有女夢以其惟慕孟氏之廟遂奔僖子其僚從之盟于清丘之社曰有子無相棄也僖子使助遠氏之遷反自祲祥宿于遠氏生懿子及南宮敬叔於泉

○秋季孫意如會晉韓起齊國弱宋華亥衛北宮佗鄭罕虎曹人杞人于厥憇

厥憇公作屈銀左傳楚師在蔡晉荀吳謂韓宣子曰不能救陳又不能救蔡物以無親晉之不能亦可知也巳為盟主而不恤亡國將焉用之秋會于厥憇謀救蔡也鄭子皮將行子產曰行不遠不能救蔡也蔡小而順楚大而弗德天

○厥憇地闕

春秋左傳卷三十一



將棄蔡以壅楚盈而罰之蔡必亡矣且喪君而能守者鮮矣三年王其有咎乎美惡時必復王惡時矣晉人使孤父請蔡于楚弗許

**胡傳**

按左氏楚師在蔡晉荀吳曰不能救不恤亡國將焉用之會于厥憇謀救蔡也使孤父請蔡于楚弗許文十五年晉靈公帥八國之諸侯盟于扈春秋畧而不序者謀伐齊而不克定其亂也襄公三十年叔孫豹會十二國之大夫于澶淵諸國之大夫皆稱人魯卿諱而不書者視蔡亂而不能討其賊也今楚將滅蔡請于楚而弗許晉之不能亦可知矣曷為諸國猶序而大夫無與乎扈之盟晉侯受賂弗克而還諸侯畧而不序亡義利之分也澶淵之會謀救宋災而不討蔡罪大夫與而稱人魯卿諱而不書失重輕之別也亡義利之分為

孤父晉大夫

請楚救蔡

本昭公衛風公蔡

莊侯陳靈公鄭穆公

曹文公許昭公與晉

晉趙武齊公孫黃

宋向氏衛北宮光鄭

平虎及曹苴邾滕薛

紀小邾人等

討齊之亂義也齊

賂利也受其賂而不

討其亂棄義取利混

○蔡討通之罪為重宋災所憂為輕謀宋災而不討蔡舍重而謀輕失其當矣

○明義利扈之為可

○審重輕澶淵之會

可見

不仁失重輕之別為不智今晉與諸侯心欲救蔡而力弗加焉則無惡也凡此見春秋明義利審重輕以恕待人而不求其備矣

**附錄**

左傳單子會韓宣子于戚視下言徐叔向曰單子其將死乎朝有著定會者有表衣有禴帶有結會朝之言必聞于表著之位所以昭事序也視不過結禴之中所以道容貌也諒以命之容貌以明之失則有闕今單子為王官伯而命事於會視不登帶言不進步貌不道容而言不昭矣不道不共不昭不從無守氣矣

**九月己亥葬我小君齊歸**

左傳葬齊歸公不歸以語史趙史趙曰必為魯郊侍者曰何故曰歸姓也不思親祖不歸也叔向曰魯公室其卑乎君有大喪國不廢禴有三喪無一日之戚國不恤喪不君也君無戚容不

○齊歸也



顧親也。國不怠君，君不顧親，能無卑乎？啓其失國，公羊傳齊歸者何？昭公之母也。

冬十有一月丁酉，楚師滅蔡，執蔡世子有以歸，用之。

有穀作友，左傳冬十一月楚子滅蔡，用隱太子于岡山，申無宇曰：不祥，五牲不相為用，况用諸侯乎？王必悔之。公羊傳此未踰年之君也，其稱世子何？不君靈公不成其子也，不君靈公則曷為不成其子？誅君之子不立非怒也，無繼也，惡乎用之？防也，其用之防奈何？蓋以築防也。穀梁傳此子也，其曰世子何也？不與楚殺也。一事注乎志，所以惡楚子也。

○思之以祭，謂山。○楊勛曰：左氏以為用之殺蔡世子祭，謂山公羊以為為用之祭，謂今范氏引舊十九年傳，則用之祭社也。

楚子也。所以惡楚子也。胡傳：內入國而以其君來，外滅國而以其君歸，皆服而以之易詞也。既書滅蔡矣，又書執蔡世子有者，世子無降服之狀，強執以歸而虐用之也。或以為未踰年之

○何氏曰：靈公節，般也不君，不與靈公坐弒，父誅不得為君也，不成其子，不成有得，孫子繼父。

○不如此，豈至圍之八月始見執。

君其稱世子者，不君靈公，故不成其子，非也。楚度殺蔡般，棄疾圍其國，凡八月而見滅。世子在窮迫危懼之中，固未暇立乎其位，安得以為未踰年之君而稱子也？假使立乎其位而般死於楚，其喪未至，不歛不葬，世子亦不成乎為君矣。然世來繼世有國之稱，必以此稱蔡有者，父母之仇不與共，天下與民守國效死，不降至於力屈，就擒虐用其身而不顧也，則有之為世子之道得矣。

**附錄**

左傳：十一月，單成公卒。楚子城陳，蔡不羹，棄疾為蔡公。王問於申無宇曰：棄疾在蔡，何如？對曰：擇子莫如父，擇臣莫如君。鄭莊公城櫟而實，子元焉，使昭公不立，齊相公城穀而實，管仲焉。至干，令賴之。臣聞五大不在邊，五細不在庭，親不在外，羣不在內，棄疾在外，鄭莊在內，君其少戒。王曰：國有，大城何如？對曰：鄭京櫟。

○五大五官之長也。上古金木水火土謂之五官。

○五細五官之屬也。



○二年燕伯出奔齊  
高偃高偃文孫納之  
干陽內弗受也陽即  
唐燕州也於是齊  
景公有志於復伯

○簡公卒于定公寧  
立

○三年燕伯出奔齊  
高偃高偃文孫納之  
干陽內弗受也陽即  
唐燕州也於是齊  
景公有志於復伯

○三年燕伯出奔齊  
高偃高偃文孫納之  
干陽內弗受也陽即  
唐燕州也於是齊  
景公有志於復伯

實殺曼伯宋蕭毫實殺于游齊渠丘實殺  
無知衛蒲成實出獻公若由是觀之則害  
於國未大必折尾  
大不掉君所知也

辛未五年 十有二年 晉昭立齊景十八衛靈  
曹武二十五陳滅杞平六宋元二問次中  
秦哀七楚靈十一吳夷未十四

春齊高偃帥師納北燕伯于陽  
左傳春齊高偃帥師納北燕伯于陽

魏于唐因其衆也公羊傳伯于陽者何公子  
陽生也子曰我乃知之矣在側者曰子苟知  
之何以不革曰如爾所不知何春秋之信史  
也其岸則齊桓晉文其會則主會者為之也  
其詞則丘有罪焉爾穀梁傳納者內不受  
也燕伯之不名何也不以高偃挈燕伯也

三月壬申鄭伯嘉卒  
左傳三月鄭簡公卒為葬除及游氏之廟

○塋下棺也

○以不毀游氏之廟  
及可墓之室為知禮

○定華椒珮

毀焉子太叔使其除徒執用以立而無庸毀  
曰子產過女而問何故不毀乃曰不毀也  
諾將毀矣既如是子產乃使辟之司墓之室  
有當道者毀之則朝而塋弗毀則日中而塋  
子太叔請毀之曰無若諸侯之賓何子產曰  
諸侯之賓能來會吾喪豈憚日中無損於賓  
而民不害何故不為遂弗毀日中而葬君子  
講子產於是乎知禮禮無毀人以自成也

○夏宋公使華定來聘  
左傳夏宋華定來聘通嗣君也享之為賦  
莫蕭弗知又不答賦昭子曰必亡宴語之不  
懷寵光之不宣令德之不知同福之不受將  
何以在

附錄 伯如晉朝肅君也  
公如晉至河乃復  
左傳取鄭之役昔人期于  
晉晉有平公之喪未之治

○晉人以言於魏公



○晉昭公以齊衛鄭俱來朝魯設享燕之禮

○二月而葬  
○成能節成虎

也故辭公公子愁遂如晉穀

**附錄**

晉侯以齊侯宴中行穆子相投壺晉侯先穆子曰有酒如淮有肉如坻寡君中此為諸侯師中之齊侯舉矢曰有酒如澠有肉如陵寡人中止與君代與亦中伯瑕謂穆子曰子失辭吾固師諸侯矣壺何為焉其以中儀也齊君弱吾君歸不來矣穆子曰吾軍帥強禦卒乘競勸今猶吾也齊將何事公孫使趨進曰日昨君勤可以出矣以齊侯出

五月葬鄭簡公左傳六月○楚殺其大夫成

能熊公作然穀作虎左傳楚子謂成虎若敖之餘也遂殺之或譜成虎於楚子成虎知

○肥白狄也荀吳滅之

○原伯終周大夫周公也與衆也危其衆臣

○壽名謀亂故也

其大夫成虎懷寵也

**附錄**

子孫臯歸○周原伯終虐其與臣使曹逃冬十月壬申朔原與人逐終而立公子晚尋絞奔郊○甘簡公無子立其弟過過將去成景公之族成景之族路劉獻公丙申殺其悼公而立成公之孫鱣于西殺獻太子之傅更皮之子過殺瑕辛于市及官嬖綽王孫沒劉州鳩陰忌老陽子

秋七月○冬十月公子愁出奔齊左傳季平

子立而不禮於南蒯南蒯謂子仲吾出季氏而歸其室於公子更其位我以費為公臣仲許之南蒯語叔仲穆子且告之故季悼子之卒也叔孫昭子以再命為卿及平子伐莒



○恤恤憂患之貌○  
秋秋盛貌○攸懸危  
貌

○坤上坤下坤此正  
卦坤下坎上比坤六  
五爻變為比

克之更受三命叔仲子欲構一家謂平子曰  
三命踰父兄非禮也平子曰然故使昭子昭  
子曰叔孫有家禍殺適立庶故媾也及此若  
因禍以整之則聞命矣若不廢君命則固有  
者矣昭子朝而命吏曰媾將與季氏訟書辭  
無效季孫懼而歸罪於叔仲子故叔仲子南  
蒯公辛愁謀季氏愁告公而遂從公如晉南  
蒯懼不克以費叛如齊于仲還及衛聞亂逃  
介而先及郊間費叛遂奔齊南蒯之將叛也  
其鄉人或知之過之而數且言曰恤恤乎秋  
平彼乎深思而底謀適身而遠志家臣而君  
圖有不矣哉南蒯枝筮之遇坤三之比三曰  
黃裳元吉以為大吉也示子服惠伯曰即欲  
有事何如惠伯曰吾嘗學此矣忠信之事則  
可不然必敗外強內溫忠也和以率貞信也  
故曰黃裳元吉黃中之色也裳下之飾也元  
善之長也中不忠不得其色下不共不得其  
飾事不善不得其極外內倡和為忠率事以

○言伐有園圃杞杞  
杞也言南蒯在費欲  
為禮如杞生於園圃  
非直也

○四國齊晉魯衛也  
皆分珍寶之器

信為共供養三德為善非此三者弗當且夫  
易不可以上險將何事也且可飾乎中美能  
黃上美為元下美則裳參成可筮猶有關也  
筮雖吉未也將適費飲鄉人酒鄉人或歌之  
曰我有園生之杞乎從我者乎去我者鄙  
乎倍其鄰者耻乎已乎已乎非吾黨之土乎  
乎子欲使昭子逐叔仲小聞之不取朝○  
昭子命吏謂小待政於朝曰吾不為怨府○  
**楚子伐徐**左傳楚子嚭于州來次于賴尾使  
帥師圍徐以懼吳楚子次于乾谿以為之援  
雨雪王皮冠秦復陶翠被豹舄執鞭以出僕  
析父從右尹子革夕王見之去冠被舍鞭與  
之語曰昔我先王熊繹與呂皮王孫牟燮父  
禽父並事康王四國皆有分我獨無有今吾  
使人於周求鼎以為分王其與我乎對曰與  
君王哉昔我先王熊繹辟在荆山筮路藍縷  
以處草莽跋涉山林以事天子唯是桃弧棘



○陸終氏生不子長  
曰昆吾以日季連季  
連楚之祖故謂昆吾  
為伯父昆吾嘗居許  
地故曰舊許是宅  
○四國即謂陳蔡二  
不羹

○三墳即伏羲神農  
黃帝之書也  
○五典即少昊顓頊  
高辛唐堯虞舜之書  
也  
○八索小卦之說謂之八索○九五九州之志謂之九五

詩止穆王之心

○始代鮮也鮮虞  
本姓  
○范氏曰鮮虞姬姓  
白水也地居中山故  
曰中國夷狄謂楚也

○林氏曰鮮虞白水  
別種在中山晉卿與  
從之假借軍道以與  
齊會  
○滅虢在僖五年  
○滅陳事在八年  
○滅蔡在前年  
○效楚誘蔡詐謀只

矢以共禦王事齊王舅也晉及魯衛王母弟也楚是以無分而彼皆有今周與四國服事君王將唯命是從豈其愛鼎王曰昔我皇祖伯父昆吾舊許是宅今鄭人貪賴其田而不我與我若求之其與我乎對曰與君主哉周不愛鼎鄭敢愛田王曰昔諸侯遠我而畏晉今我大城陳蔡不羹賦皆十乘子與有勞焉諸侯其畏我乎對曰畏君主哉是四國者專足畏也又加之以楚敢不畏君主哉平尹路請曰君主命刺主以為鍼秘敢請命王入視之析父謂子革吾子楚國之望也今與王言如響國其若之何子革曰摩厲以須王出吾邪將執矣王出復語左史倚相趨過王曰是良史也子善視之是能讀三墳五典八索九丘對曰臣嘗問焉昔穆王欲肆其志周行天下將皆必有車轍馬跡焉祭公謀父作祈招之詩以止王心王是以獲沒於祗宮臣問其詩而不知也若問遠焉其焉能知之王曰子

能乎對曰能其詩曰祈招之惜惜式昭德音思我王度式如玉式如金形民之力而無醉飽之心王揖而入饋不食寢不寐數日不能自克以及於難仲尼曰古也有志克己復禮仁也信善哉楚靈王若能如是豈其辱於乾谿○晉伐鮮虞五傳因其與夷狄交伐也其與夷狄之何也不正國故伐之也

**胡傳**左氏曰晉荀吳偽會齊師者假道鮮虞遂入昔陽冬書晉伐鮮虞狄之也獻公假道於虞以滅虢因執虞公則以師與人稱之今晉雖為護固可罪也而狄之不亦過乎楚奉孫吳討陳因以滅陳誘蔡一般殺之因以滅蔡晉人視其殘虐莫能救則亦已矣而效其所為以伐人國是中國居而夷狄行也人之所以為中國之所以為中國信義而已矣一失則為夷狄再



此一句形出於晉之意

○六國楚齊趙燕韓魏

○史記秦昭皇紀河決不可復塞魚爛不可復全

○費魯邑內不立言叛言圍皆叛也

失則為禽獸。禽獸逼人，人將相食。自春秋末，世至于六國亡，秦變許並興，傾危成俗。河決魚爛，不可壅而收之。皆失信棄義之明驗也。春秋謹嚴於此，制治未亂，按本塞源之意，豈曰過乎？

**景王十有三年** 晉昭三齊景十九衛靈公寧元年。曹武二十六陳惠公吳元年。紀平七。宋元三。秦哀八。楚靈十二。弒吳夷未十五。

**春叔弓帥師圍費** 左傳：春叔弓圍費，弗克敗。以為囚俘，治區夫曰：非也。若見費人寒者，衣之，飢者食之，為之令主而共其之，困費來如歸。南氏亡矣，民將叛之，誰與居？邑若憚之以威懼之，以怒民疾而叛為之聚也。若諸侯皆然，費人無歸，不親南氏將焉入矣。平子從之，費人叛南氏。

○論語衛靈公篇有之 ○朱子曰：推己及物，其施不窮，故可以終身行之。

○此物楚之義見大

○不忠於其君如伐

○不禮於其臣李季

○南蒯南道之子季

○靈王弒比立發疾

○靈王弒比立發疾

**胡傳**

費內邑也。命正卿為主將，舉大眾圍其城。若敵國，然者家臣強，大夫弱也。語云：平乎有言，可以終身行之者，其恕矣。夫已所不欲，勿施於人。所惡於下者，毋以事上也。所惡於上者，毋以使下也。然後家齊而國治矣。季孫意如以所惡於下者，事其上而不忠於其君，以所惡於上者，使其下而不禮於其臣，出乎爾者反乎爾，宜南蒯之及此也。春秋之法，不書內叛，反求諸已而已矣。其書圍費，欲著其實，不沒之也。

**夏四月楚公子比自晉歸于楚弒其君虔于**

乾谿。谿，穀作溪。左傳：楚子之為令尹也，殺太子。司馬遷掩而取其室，及即位，奪遷居田。遷許而質許圍蔡，有寵於王。王之滅蔡也，其父死焉。王使與於守而行申之會，越大夫戮焉。王奪闞韋龜中犍，又奪成然邑而使為



○賊謂子于子哲也  
言既失正賊

郊尹。蔓成然故事。蔡公故遠氏之族及遠君  
許圍蔡。消蔓成然皆王所不禮也。因羣喪職  
之族。啓越大夫常壽過。作亂圍固城。克息舟  
城。而居之。觀起之死也。其子從在蔡事。朝吳  
曰。今不封蔡。蔡不封矣。我請試之。以蔡公之  
命。召子于子哲及郊。而告之情。強與之盟。入  
雙蔡。蔡公將食。見之。而逃。觀從使子于食。坎  
用牲。加書而速行。已狗於蔡。曰。蔡公召子于  
將納之。與之盟。而遣之矣。將師而從之。蔡人  
聚將執之。辭曰。失賊成軍。而殺予。何益。乃釋  
之。朝吳曰。二三子若能死亡。則如違之以待  
所濟。若求安定。則如與之。以濟所欲。且違上  
何。適而可。衆曰。與之。乃奉蔡公。召子于而盟  
于鄧。依陳蔡人。以國楚。公子此。公子黑肱公  
子棄疾。蔓成然。蔡朝吳帥陳蔡。不羹許葉之  
師。因四族之徒。以入楚。及郊。陳蔡欲為名。故  
請為武軍。蔡公知之。曰。欲速。且從病矣。請蒞  
而巳。乃蒞為軍。蔡公使須務牟。與史狎先以

○擠也。言死而墜  
墳溝壑可知

因正僕人殺太子祿及公子罷敵。公子此為  
王。公子黑肱為令尹。次于魚陂。公子棄疾為  
之。且曰。先歸復所後者。射師及訾梁。而潰王  
聞羣公子之死也。自投于車下。曰。人之愛子  
也。亦如余乎。侍者曰。甚焉。小人老而無子。知  
擠于溝壑矣。王曰。余殺人之子多矣。能無及此  
乎。右尹子革曰。請待于郊。以聽國人。王曰。衆  
怒。不可犯也。曰。若入於大都。而乞師於諸侯  
王曰。皆叛矣。曰。若亡於諸侯。以聽大國之圖  
君也。王曰。大福不再。祗取辱焉。然舟乃歸于  
楚。王公夏將欲入郢。羊尹無宇之子申亥曰。  
吾父再奸。王命王弗誅。惠孰大焉。君不可忍。  
惠不可棄。吾其從王。乃求王遇諸棘圍。以歸  
夏五月癸亥。王縊於芋尹申亥氏。申亥以其  
二女殉。而葬之。公羊傳。此弑其君。其言歸何  
為。無道作乾谿之臺。三年不成。楚公子棄疾



○十一年楚子城陽  
蔡不養德善其疾為蔡  
公蓋滅蔡而封之也

○觀從觀起之子乘  
二十二年楚康王殺  
觀起其子從遂出奔  
在祭事朝吳

○元年楚屢弑郟敖  
子于出奔晉

○晉於欒盈是也謂禁錮之使無所容其身事見襄二十一年  
○公子鱗於衛是也謂出奔不食獻公之祿不向衛國而坐事見襄二十七年  
○曲禮註云君不絕其祖祀復其後卿大夫吉士往來相赴告

○以客禮待比以國  
之大小為祿之高下  
○靈王兄也公子比  
弟也禮有兄亡弟及  
○立於楚先代之常  
棄疾王少子也  
○五難五利左傳有  
之  
○曹子臧曹成公之  
弟事見成十二年  
○魯叔肸魯宣公之  
弟事見宣十七年  
○被之犬惠弑君之  
名  
○本董子註

魯比而立之然後令于乾谿之役曰比已出矣後歸者不得復其田里眾罷而去之靈王經而死穀梁傳自晉晉有奉焉爾歸而弑不言歸言歸非弑也歸一事也弑一事也而遂言之以此之歸弑比不弑也弑君者日不日比不弑弑也

**胡傳**

楚師伐徐楚子虔次于乾谿為之援從者率羣失職以棄疾命召比于晉既至脅比而立之令乎乾谿曰先至者復其田里師潰而歸楚子經而死或曰昭元年楚虔弑立比出奔晉十二年比歸而虔縊于棘園則比未嘗一日北面事虔為之臣虔又弑立固非比之君矣而書曰比弑其君虔何也曰凡去國出奔而君不以為臣則晉於欒盈是也臣不以為君則公子鱗於衛是也若去國雖久而爵祿有列於朝出

入有詔於國不掃其墳墓不收其田里不繫纍其宗族即君臣之分猶在也。比雖奔晉而晉人以羈待比以國底祿固楚之亡公子也。楚又未嘗錮之如晉之於欒盈比又未嘗不向楚而坐。如子鮮之於衛安得以為比非楚臣而虔非比之君乎。春秋書比弑其君虔明於君臣之義也。或曰虔弑郊敖以立比之獲罪豈其無討賊之心而徒貪夫位歟。曰春秋罪比不明乎君臣之義不責其無討賊之心。夫比雖當次及之序而棄疾亦居楚國之常以取國言之。比具五難而棄疾有五利。此事之變也。為比者宜乎效死不立。若國有所歸為曹子臧魯叔肸不亦善乎。不然身居令尹都貴戚之卿為社稷鎮亂不自已亦可也。今乃脅於勢而忘其守。怵於利而忘其義。被之木惡欲辭而不可得矣。為人臣而不知春秋守經事而不知其宜。遭變事而不知其權。



者若此類是也悲夫  
聖人垂戒之意明矣

楚公子棄疾殺公子比

殺公作弒左傳觀從  
雖得國猶受禍也子于曰余不忍也子主曰  
人將忍子吾不忍也乃行國每夜駭曰王  
入矣乙卯夜棄疾使周走而呼曰王至矣國  
人大驚使蔓成然走告子于子于督曰王至矣  
國人殺君司馬將來矣君若早自圖也可以  
無辱衆怒如水火焉不可為謀又有呼而走  
至者曰衆至矣二子皆自殺丙辰棄疾即位  
名曰熊居葬子于于訾實訾敖殺囚衣之王  
服而流諸漢乃取而葬之以靖國人使子旗  
為令尹楚師還自徐吳人敗諸豫章獲其五  
帥平王封陳蔡復遷邑致羣賂施舍竟民宥  
罪與職召觀從王曰唯爾所欲對曰臣之先  
佐開上乃使為尹使枝如子躬聘于鄭且  
致驪樂之田事畢弗致鄭人請曰聞諸道路

○此雖為君而未列  
於諸侯故不稱爵殺  
不稱人罪棄疾

○不殺平王自謂有  
事有他事也

將命寡君以驪樂取請命對曰臣未聞命既  
復王問驪樂降服而對曰臣過失命未之致  
也王執其手曰子毋勤姑歸不殺有事其告  
子也他年辛尹申亥以王極告乃改葬之初  
靈主卜曰余尚得天下不吉投龜詭天而呼  
曰是區區者而不余界余必自取之民患王  
之無厭也故從亂如歸初共主無冢適有寵  
子五人無適立焉乃大有事于羣望而祝曰  
請神擇於五人者使主社稷乃徧以璧見於  
羣望曰當璧而拜者神所立也誰敢違之既  
乃與巴姬密埋璧於太室之庭使五人齊而  
長入拜康王跨之靈王肘加焉子于子皙皆  
趨之平王弱抱而入再拜皆厭紐鬪韋龜屬  
成然焉且曰棄禮違命楚其危哉子于歸韓  
宣子問於叔向曰子于其齊乎對曰難宣子  
曰同惡相求如市賈焉何難對曰無與同好  
誰與同惡取國有五難有寵而無人一也有  
入而無主二也有主而無謀三也有謀而無



○楚芊姓言楚國有  
君少子也必得立  
爲君也

民四也。有民而無德五也。子干在晉十三年  
矣。晉楚之從不聞達者。可謂無人。族盡親叛。  
可謂無主。無彙而動。可謂無謀。爲羈終世。可  
謂無民。亡無愛徵。可謂無德。王虐而不忌。楚  
君。子干干涉五難。以弒舊君。誰能濟之。有楚國  
者。其棄疾乎。君陳蔡城外屬焉。苛慝不作。盜  
賊伏隱。私欲不違。民無怨言。先神命之。國民  
信之。芊姓有亂。必季實立。楚之常也。獲神一  
也。有兵二也。令德三也。寵貴四也。居常五也。  
有五。以去五難。誰能害之。子干之官。則右  
尹也。數其貴寵。則庶子也。以神所命。則又遠  
之。其貴亡矣。其寵棄矣。民無懷焉。國無與焉。  
將何以立。宣子曰。齊桓晉文。亦不亦乎。對曰。  
齊桓衛姬之子也。有寵於僖。有鮑叔牙。實須  
無隱。明以爲輔佐。有善衛以爲外主。有國高  
以爲內主。從善如流。下善齊肅。不藏頭。不從  
欲。施舍不倦。求善不厭。是以有國。不亦宜乎。  
我先君文公。狐李姬之子也。有寵於獻。好學。

○遺驪姬之亂。有狐  
偃。趙衰。顛頤。魏武子  
司空季子。五士從亡  
以出。

而不貳。生十七年。有士五人。有先大夫子餘  
子。犯以爲腹心。有魏犢。賈佗。以爲股肱。有齊  
宋。秦。楚。以爲外主。有欒。郤。狐。先以爲內主。亡  
十九年。守志彌篤。惠懷棄民。民從而與之。獻  
無異親。民無異望。天方相晉。將何以代之。此  
二君者。異於子干。其有寵於國。有與主。無施  
於民。無援於外。去晉而不送。歸楚而不逆。何  
以與國。公羊傳比已立矣。其稱公子。何。其意  
不當也。其意不當。曷爲加弒焉。爾比之義。宜  
乎。效死不立。大夫相殺。稱入此。其稱名氏。以  
弒。何言將自是爲君也。穀梁傳當上之辭也。  
當上之辭者。謂不稱人以殺。乃以君殺之也。  
討賊以當上之辭。殺非弒也。比之不弒。有四  
取國者。稱國以弒。楚公子棄疾。殺公子比。比  
不嫌也。春秋不以嫌代  
嫌。棄疾主其事故。嫌也。

**胡傳**

棄疾立比爲王而已。爲司馬固君比  
矣。而又殺子。則宜書曰。棄疾弒其君

○公羊傳說與穀梁  
左氏異



○四族謂遂氏許田蔡消蔓成然

○所以不書棄疾弒其君

○所以書太子棄疾殺太子比

比而曰殺公子比何也初子于歸自晉觀從假棄疾命而召之來則來女姓加書而強之盟則盟帥四族衆而使之入楚則入殺太子祿而立之爲王則王周走而呼於國中謂衆怒如水火而逼之自殺則自殺其行止遲速去就死生皆觀從與國人所爲而未嘗可吝之也安得爲棄疾之君乎然比兄也黑肱弟也棄疾其季弟也立比爲王肱爲令尹疾爲司馬蓋國人以長幼之序立之也則宜書曰楚人殺比而春秋變文歸獄棄疾者誅其本意在於代比而非討之也所謂輕重之權衡曲直之繩墨而懷惡者亦無所隱其情矣

秋公會劉子晉侯齊侯宋公衛侯鄭伯曹伯

莒子邾子滕子薛伯杞伯小邾子于平丘

○平丘衛地○晉復合諸侯由是止鄆陵之後參盟復作晉非盟王矣

○四合象晉室曰幄在上一曰幕幄幕軍旅之帳也

○三宿以上爲次衛地即正立也

○銅甗曰甗古新曰甗

晉成癘祁諸侯朝而歸者皆有貳心爲取鄭故晉將以諸侯來討叔向曰諸侯不可以不示威乃並徵會告于吳秋晉侯會吳于于良水道不可吳子辭乃還七月丙寅治兵於邾南甲車四千乘羊舌鮒攝司馬遂合諸侯于平丘子產子大叔相鄭伯以會子產以幄幕九張行子大叔以四十既而悔之每舍擗焉及會亦如之次於衛地叔鮒求貨於衛淫弼堯者衛人使屠伯饋叔向羹與一篋錦曰諸侯事晉未敢擗貳况衛在君之宇下而敢有異志芻蕘者異於他日敢請之叔向受羹反錫曰晉有羊舌鮒者瀆貨無厭亦將及矣爲此衛也子若以君命賜之其已客從之未退而禁之

○八年晉逐鹿祁之官射壺爲樂壺瓶也高一丈八兩旁有耳投

胡傳

按左氏晉成癘祁諸侯朝而歸者皆有貳心齊侯往朝于晉燕而投壺曰寡人中此與君代與晉人知其亦將貳也叔向曰諸侯不可以不示威乃並徵會治



之以矢中者為勝

○宋之盟在襄二十七年

○魏之會也在元年

○申之舉在四年

○滅蔡在十一年

○孟子曰入則無法

外患者國恒亡○又

日責難於君謂之恭

陳善明邪謂之敬又

曰恪君心之非

○卓公昭公祖也

○施施喜悅自得之意競強也

○中庸云凡事預則

立不預則廢預素定

也

○齊南盟于平丘

○元戎戎車也元戎

在前者其車十乘

○啓開也行道也以

爲晉師先驅開道

兵于邾南甲車四千乘遂合諸侯于平丘  
方是時楚人暴橫陵蔑中華在宋之盟爭  
晉先歆及號之會仍讀舊書遂召諸侯爲  
申之舉遷賴於郟縣陳滅蔡此乃敵國外  
患臨深履薄恐懼省戒之時其君當倚於  
法家拂士以德脩國政其臣當急於責難  
陳善以禮格君心內結夏盟外攘夷狄復  
悼公之業若弗暇也今乃施施然安於不  
競無憤耻自強之志惟官室臺榭是崇是  
飾及諸侯皆貳顧欲示威徵會而以兵甲  
耀之不亦未乎春秋之法制治于未亂保  
邦于未危貴事之預耻以苟成而不要諸  
道者也深惡此會如下文所貶云明  
其義者然後知仲尼作經於一臺面之蔡  
二宮室門觀之作必謹而書以重民  
力其弭亂持危固結人心之慮遠矣  
八月甲戌同盟于平丘  
左傳晉人將尋盟齊  
人不可晉侯使叔向

○齊南盟于平丘

告劉獻公曰抑齊人不盟若之何對曰盟以

底信君苟有信諸侯不貳何患焉告之以文

辭董之以武師雖齊不許君庸多矣天子之

老請帥王賦元戎十乘以先啓行遲速唯君

叔向告于齊曰諸侯求盟已在此矣今君非

利寡君以爲請對曰諸侯計貳則有尋盟若

皆用命何盟之尋叔向曰國家之敗有事而

無業事則不經有業而無禮經則不序有神

而無威序則不共有威而不昭共則不明不

明棄共百事不終所由傾覆也是故明王之

制使諸侯歲聘以志業間朝以講禮再朝而

會以示威再會而盟以顯昭明志業於好講

禮於等示威於衆昭明於神自古以來未之

或失也存亡之道恒由是與晉禮主盟懼有

不洽奉承齊犧而布諸君求終事也君曰余

必廢之何齊之有唯君圖之寡君聞命矣齊



○債也豚小猪也  
以糶也亦屬小豚之  
上

聞矣不可以不示衆八月辛未治兵建而不  
施壬申復施之諸侯畏之邾人莒人愬于晉  
曰魯朝夕伐我幾亡矣我之不共魯故之以  
晉侯不見公使叔向來辭曰諸侯將以甲戌  
盟寡君知不得事君矣請君無勤子服惠伯  
對曰君信蠻夷之說以絕兄弟之國棄周公  
之後亦唯君寡君聞命矣叔向曰寡君有甲  
車四千乘在雖以無道行之必可畏也况其  
率道其何敵之有牛雖瘠饋於豚上其畏不  
死南蒯子仲之憂其庸可棄乎若奉晉之衆  
用諸侯之師因邾莒杞鄆之怒以討魯罪聞  
其二憂何求而弗克魯人懼聽命甲戌同盟  
于平丘齊服也令諸侯曰中造于除癸酉退  
朝子產命外僕速張於除子大叔止之使待  
明自及夕子產聞其未張也使速往乃無所  
張矣及盟子產爭稱曰昔天子班貢輕重以  
列列尊貢重周之制也卑而貢重者甸服也  
鄭伯也而使從公侯之貢懼弗給也敢以

為請諸侯靖兵好以為事行理之命無月不  
至貢之無藝小國有闕所以得罪也諸侯脩  
盟存小國也貢獻無極亡可待也存亡之制  
將在今矣自日中以爭至于昏晉人許之既  
盟子大叔咎之曰諸侯若計其可濟乎子產  
曰晉故多門貳偷之不暇何暇計國不競亦  
之為

○此即所謂示威以  
甲兵權之者也

○自前據費以叛魯  
困之不克者

**胡傳**按左氏晉將尋盟齊人不可叔向曰  
兵建而不施壬申復施諸侯畏之辭諸魯  
曰寡君有甲車四千乘在雖以無道行之  
猶必可畏牛雖瘠饋於豚上其畏不死南  
蒯子仲之憂庸可棄乎若奉晉之衆聞其  
二憂何求而弗克請君無勤魯人聽命甲  
戌同盟于平丘其書同盟者劉子與盟同  
懼楚也會與盟同地再書平丘者書之重  
詞之複其中必有美惡焉見行事之深切



○僖五年齊桓公首止之盟是也

○傳九年葵丘之會是也

○桓三年晉命于蒲是也

○襄十一年晉悼公蕭魚之會是也

○襄二十五年晏嬰崔慶之盟是也其徒曰所不與崔慶者晏

子仰天歎曰嬰所不惟忠於君利社稷者是與有如上帝乃歎

也

○魯不與晉宋謗惡弘多公不與盟非國惡故不諱

公不與盟與音預穀梁傳同者有向也同外譏在公也其日善是盟也

○天子之老謂獻子也  
○夷狄篡立之主謂楚平王也以其殺公子比而立故謂其為篡立之主

○曲禮云五官之長曰伯也於諸侯曰天子之老

○禮是也五不是也肆齊持術一要天子老二端夷狄主三無禮義忠信誠恪四以威詐泄五以五者為不是則不與斯盟有說矣

公羊傳曰公不見與盟不耻也諸侯遂亂反陳蔡君子不耻不與焉是也

晉人執季孫意如以歸左傳公不與盟晉人執季孫意如以歸

著明故詞敏而不殺也是盟蓋或善之而以爲惡何哉盟雖衰世之事然有定人道之大倫者矣有備天子之明禁者矣有束牲不軟相命而信自諭者矣有納斥候禁侵掠誠格而不復叛者矣其猶以載書詞命相爭約於大神而不敢越者則未聞主盟中國奉承齊犧而矜其威力恐迫諸侯又信蠻夷之訴絕兄弟之歡求逞私憤問其憂疑加此盟者流及戰國強衆相誇恫疑恐喝次行陵暴死者十九積習所致有自來矣春秋禮義之大宗也會是以爲善平詞繁而不殺則惡其競力不道爲後世鑒也

**胡傳**

臣子之於君父隱諱其耻禮也十二國會于平丘公獨見離不得與盟斯亦可耻矣曷爲直書其事而不隱也晉主此盟德則不競而矜兵申之威肆齊持之術以諸侯上要天子之老而軟益以中國同端夷狄篡立之主而結盟無禮義忠信誠慤之心而以威詐泄之具此五不韙者得不與焉幸也聖人筆削春秋凡魯君可耻者必爲之隱諱至會于沙隨而公不得見盟于平丘而公不得與自衆人常情必深沮喪以爲辱矣仲尼推明其故自反而縮雖晉國之嚴不可及也彼以其威我以其理彼以其勢我以其義夫何慊乎哉直書其事示後世立身行己之道也其垂訓之用大矣

晉人執季孫意如以歸

左傳公不與盟晉人執季孫意如以歸



之使狄人守之。司鐸射懷。錦奉壺飲水。以蒲伏焉。守者御之。乃與之錦。而入晉人。以平子歸。子服。

**胡傳**

稱人以執非伯討也。自文以來。公室微弱。三家專魯。而季氏罪之首也。宿及意如。尤為強逼。元年伐莒。疆。十年伐莒。取郟。中分魯國。以自封殖。而使其君民食於家。其不臣甚矣。何以為非伯討乎。晉人若按郟莒所訴。有無之狀。究南蒯子仲奔叛之因。告于諸侯。以其罪執之。請於天子。以大義廢之。選於魯卿。更意如之位。收歛私邑。為公室之民。使政令在君。三家臣順。則方伯之職脩矣。今魯與邾通好。亦不朝。夕伐莒。而郟邾之故。又非昭公意也。夫以郟莒之言。曰。我之不共。魯故之以逐。誰魯君而執意如。則是意在貨財。而不責其無君臣之義也。何得為伯討乎。稱人以就

○魯國之政一出  
○自元年至春秋無我  
○七年平子伐莒  
○季孫宿伐莒取郟  
○叔子帥師疆郟田  
○七年平子伐莒  
○自元年至春秋無我  
○七年平子伐莒  
○季孫宿伐莒取郟  
○叔子帥師疆郟田  
○七年平子伐莒

○是魯在位與邾邾不共也

**罪晉之偷也**

**附錄**

左傳子產歸未至。聞子皮卒。哭。且曰。吾已無為善矣。雖夫子知我。仲尼謂子產於是行也。足以為國基矣。詩曰。樂只君子。邦家之基。子產君子。以求樂者也。且曰。合諸侯。襄貢事禮也。

**公至自會**

公羊傳公不見與盟者何。公不見與盟。不取也。曷為不取。諸侯遂亂。反陳蔡。君子不取。不與焉。

**附錄**

左傳鮮虞人聞晉師之悉起也。而不與。晉荀吳自著雍以上。軍侵鮮虞。及中人。驅衝競。大獲而歸。

**蔡侯廬歸于蔡。陳侯吳歸于陳。**

左傳楚之滅蔡也。廬王遷。

○是楚平王封陳  
○子戶歸于蔡悼太子  
○之子吳歸于陳則其  
○書曰陳侯蔡侯何不  
○與蔡專封也

○偷薄也重貳輕義也



○陳滅在八年蔡滅  
在十一年

○八年陳留殺陳世  
子偃師十一年楚用  
隱太子于陽山是其  
亡也

○世子之子故也

○齊之後封於陳  
○及叔武王弟其子  
仲封於蔡

○集解思安陳蔡不  
為蔡滅而垂疾能請  
之叔王會中復諸侯皆  
以大義而封之則書法當與此必異

○集解云秦始皇嬴政  
賢之臣宜令作蕃鎮部

○秦始皇天下為郡  
縣不封建

○蔡復而後以君禮  
葬之

○晉人薛公

○州來楚世用大師  
馬曰滅

許胡沈道房申於荆焉。平王即位既封陳蔡而皆復之禮也。隱太子之子廬歸於蔡禮也。悼太子之子吳歸于陳禮也。公羊傳此皆滅國也。其言歸何不與諸侯專封也。穀梁傳善其成之會而歸之故謹而日之此未嘗有國也。使如失國辭然者不與楚滅也。

**胡傳**

楚處遷大小國於荆山又滅陳蔡而陳隱太子有之子廬歸于蔡悼太子偃師之子吳歸于陳曰歸者順辭也。陳蔡皆皆滅矣。不稱復歸者不與楚處之得滅也。其稱歸于者國其所宜歸也。廬與吳皆亡世子之子也。而棄疾封之可謂有奉矣。不言自楚者不與楚子之得封也。其稱侯者位其所固有也。陳列聖之後蔡王室之親見滅於楚處而諸侯不能救復封於棄疾而諸侯不能與是以夷狄制諸夏也。聖人至是懼之甚蓋有不得已焉。制春秋為後法。

大要皆天子之事也。其義則以公天下為心。與滅國絕世異於自私其身欲擅而有之者也。故書法如此為天下國家而不封建欲望先王之治難矣。

**冬十月葬蔡靈公**

左傳禮也。穀梁傳變之不葬。滅國不葬然且葬之不葬楚滅且成諸侯之事也。

**公如晉至河乃復**

左傳公如晉荀吳謂韓宣子曰諸侯相朝講舊好也。執其卿而朝其君有不死焉不難之乃使士。景伯辭公于河。○吳滅州來。左傳令尹子旗曰吾未撫民人未奠鬼神未修守備未定國家而用民力敗不可悔。州來在吳猶在楚也。子姑待之。

**附錄**

左傳季孫猶在晉子服惠伯私於中行穆子曰魯事晉何以不死。夷之小



○諸侯大夫稱老言  
晉合諸侯而執魯之  
卿

○蓋襄二十一年叔  
魚坐叔虎與欒氏之  
罪得罪

國魯兄弟也。土地猶大，所命能具。若為夷  
棄之，使事齊楚，其何瘳於晉？親親與大賞  
共，罰不為所以為盟主也。子其圖之。諺曰：臣  
一主，一吾豈無大國？穆子告韓宣子，且曰：  
楚滅陳，蔡不能救，而為夷執，親將焉用之？  
乃歸季孫惠伯，曰：寡君未知其罪，合諸侯  
而執其老，若猶有罪，死命可也。若曰無罪  
而惠免之，諸侯不聞是逃命也，何免之為？  
請從君，惠於會，宣子患之，謂叔向曰：子能  
歸季孫乎？對曰：不能，鮒也。能，乃使叔魚叔  
魚見季孫，曰：昔鮒也得罪於晉，君自歸於  
魯，君微武子之賜，不至於今。雖獲歸骨於  
晉，猶子則肉之，敢不盡情歸子，而不歸鮒  
也。聞諸吏將為子除館於西河，其若之何？  
且泣，平子懼，先  
歸，惠伯待禮。

### 春秋四傳卷之三十





